

懷古田舍詩節鈔

懷古田舍詩節鈔卷之三

漢軍徐 榮鐵孫

明詔

明詔諄諄聞不聞高官厚祿忝吾

君艤艫誰助周公瑾筆札空煩谷子雲此是伏波橫海  
事真成霸上棘門軍未須哆口譏和議彼已當知我亦  
云

飛雲江

江口卽  
鳳凰洋

鳳凰飛出大江東終古潮聲戰北風運甓無人填渤海

寄書有路訴鴻濛危須鐵鎖三千丈險要金城一萬弓

不信穀城求受撫只應兵備是英雄

用王瑞梅與熊文燦論張獻忠事見

明史本傳時陶鹿野觀察督同梁一峰明府列柵江心復於南北兩岸週築七堡

### 仙巖

陶山可望不可親真誥巖前雲笑人虎溪試倚看山棹

幽阻故是煙霞鄰大羅西來勢輪囷華鬢削鐵

皆峰名

青

無垠此間乃辱晦翁筆

朱子書溪山第一四字

古塔秀映千山春

居人傲客說名瀑我坐龍湫纔浹旬延緣石罅入深壁

灑落亦復非常倫雲璈遠駭俗人耳冰須正挂乖龍脣

祗疑黃帝上仙去兩髯攀墮愁羣臣文簡書堂石嶙峋  
儼然像設清而醇如聞四夷不足慮月椿經制疲吾民  
陳止齋以員外郎召入因輪對言民以上供經制月椿  
爲困方今之患何但四夷蓋天命之永不永係民力之  
寬不寬耳帝嘉納我來拜公不拜佛兀傲儘被僧徒喚  
之見宋史本傳僧言絕勝在高處玉函梅雨清無塵卓公敬題詩今在  
否褰裳便欲披荆榛官程有定留後約遊興不盡尤津  
津

唐宿覺禪師眞身塔在永嘉松臺山麓師爲三祖  
之一作證道歌傳於世卽禪家所謂半徧青者

也宋熙寧間重修輒爲孔目胡林捨明太守文  
林毀之其輒散落人間莊石甫大令頃得半段  
以爲硯見贈作詩謝之

潤漱朝霞翠滴煙眞成半徧界青天松臺不辦周身智

花塔猶開孔目輒何必華嚴尋手澤

永嘉華嚴山石可爲硯右軍帖云近

得華嚴石硯頗佳

好書證道印心傳勞君什襲君知否江上蛟

龍覩客船

永嘉羅浮山

在城北江上小山也相傳自海上浮至

圓嶠方壺萬里賒支山雖小足雲霞春深坐憶人間世

夜靜飛隨海上槎  
汝悔風塵來市井  
我憐流落共天涯  
年年孤負羅浮約  
得到羅浮不是家

竟日無事盡出所得玉環雁宕歧頭鎮下關赤溪  
大魚仙巖諸石摩挲洗翫忽詫忽笑舟人不知  
其何事也

慘綠嬌黃盡可憐  
亦如初日翠朝煙  
囊開白舫青簾裏  
心到蒼山碧海前  
蜀道無如此間樂  
外人從笑老夫顛  
南來置得傳家物  
陽羨無須更買田

破帆山

堯時誰見神人過截石爲帆風打破西行棄此入惡溪  
萬古千年蘚花澗西洋小醜敢鴟張明日東尋萬里航  
喚起神帆飛海島高彎弧矢射天狼

安溪夜行

不信滄溟浪拍天舟人只見水漸漸我來東海驚初定  
臥上連灘夢儘恬到枕篙聲千石嚙背鐙帘影片雲黏  
石門瀑布知人意夜雨明朝百尺添

頂頭灘

九條分石派一綫匯江總地底聲崔嵬天上波龍嵒方

春嵐氣集終古山色惜有樹臨巉巖無風自搖動孤篷  
犯湍瀨飛沫濺書籠相戒眠帆檣羣呼遞推捫兀如向  
攀嵒卓似顏苦孔寄言頂頭船乘勢休倥偬

青田白米灘得石子如半桃核形豈所謂青田核  
耶

莫認天台道士冠翠皮黃壳寸心丹爲金鑿落留春少  
比玉蟾蜍受水寬桃核半浮雲液滑蟀胎晴曬月光寒  
爲君說與來時路常記青田白米灘

大眠灘



眠篙上立水水直篙則彎小眠張角弓大眠曳銅鑲縱  
橫有磐石錯落排機關幾時過岨崕盡日爭潺湲我行  
溫台嶺連旬困躋攀豈知三千水復有崑崙山甫破藤  
挽上仍遭風引還灘聲送行客歸夢今宵慳

高筍灘

東牕俯高浪忽如船北馳試回岸西眺樹石都未移乃  
知沄沄波百里瞬息期浮光掠眼疾迅勢受篙遲我行  
東南風尙復勞挽推想見新雨後更當頂風時聊爲矧  
聿坐細撚滄浪髭歲月無停留世途多險巇

皂頭灘

早聞石門奇姑舍天台駕

溫州至杭州有東西兩路計東路由台州西路出括蒼

程舟屢問望影衣不暇胡爲皂頭灘尺寸不相假嗔喝  
出洞門淩厲穿石罅扁舟乍進退餘瀑自奔瀉苦遭惡  
聲阻枉用高雲迓風塵愧劉阮述作豈陶謝三省平生  
言合被山靈罵

石門洞觀瀑布

朝行問石門暮行問石門石門忽當眼石筍如熊蹲鐵  
壁太古色臙棹驚啼猿水聲遠肅客導師謝老髡一條

界晴雪四散霏煙痕俯翫澄潭波仰思天河源萬仞豈  
不高亦有雞與豚僧言絕頂田十餘畝亦有山民居之顧予所處卑妄謂  
來崑崙觀理足遺物宴坐眞忘言山僧瀹苦茗一酌清  
心魂

又作一首

石門瀑布誰所爲三折著壁一折飛懸灑空中不著物  
隨風飄蕩成煙霏高者爲煙下爲浪濺石跳珠萬千狀  
虛無蛟室漚澄潭伯仲龍湫思雁宕我來二月春始興  
時甘未降雲繩繩僧言雨後看更好卽此已恐銀河崩

瀑兮汝何不生千巖之中萬壑上老死游人莫來往林  
徒羽客共杯酌芝鹿藤猿相俯仰胡爲乎入山不深還  
自鳴若隱若顯人間名豐碑鉅榜爲汝累秋月春風司  
送迎吟詩附謝客讀書託文成山僧經營牽引惟恐力  
不逮山靈蹙額如聞歎詫咨嗟聲

銷塵渡上見青石大如匏瓜愛不忍釋撥之行里  
餘乃至舟中

銀河見謫星獨立孃娉婷江上有奇遇人間無此青遠  
攜衣儘破靜對酒堪醒他日銷塵渡應修聘石亭

臘口灘

緊水

名灘

牽甫罷臘口灘復來借問惡溪流胡不稍徘徊

琅琅捲天風但聞篙聲哀南山數十家欄楯依崔嵬松  
巔帶夕照正映桃花開山居羨官府形役愧草萊前途  
得殘戍夕纜依古槐未嘗學軍事且復沽邨醅

九雷灘

朝當過九雷舟子夙相戒東來風力退西望雪山壞列  
缺方前驅豐隆各爭界奔騰合圍陣呼喝集羣怪勝爲  
鯨鯢戮負或支祈械南崖削高翠百丈插澎湃雲霞湧

樓殿金碧展圖畫擬從壁上觀靡靡歎行邁

楊柳灘

清灘轉斜日古岸迴驚濤高柳數十株當春散輕鵝  
黃蘗屋瓦鸚綠縈漁篙惜汝名字好笑人行役勞今來  
與昔往歲月何滔滔不悲歲月徂所嗟太白高且畱華  
山馬莫賣渤海刀甘言載毒算反復防此曹

抵處州

東甌西括共江聲紅舫青簾四日程七十二灘都過了  
蓮花開出處州城

雨行處州道中看雲作

四年不來枯蒼山舊夢忽被風吹還  
舂船著岸先拭眼  
青玉魏義如大環雨圖持贈亦不惡  
雲海高臥休嫌蠻  
初看寸鏃自剡注俄頃萬鎧齊躬環  
束腰紅白就舞列  
駢頭筍怒排仙班雪花偏壓漁父帽  
梅萼亂插佳人鬟  
一峰忽墮縹渺間仙袂多皺誰能攀  
一峰突兀忽離立  
適從何來心自閒或驚而蹠馬脫閑  
或比而行賢度關  
青草分明立孤鶴滄波浩渺飛雙鵬  
迷離恂恂不可極  
長風吹雨來斑斑洞天誰治仙都寰  
虛無之中通閭闔

狡獪時施少年技蒼茫一破遊子顏胡爲亦遭雨師妬  
車帷閉置如癡頑掀簾引領難自已四顧不避輿夫訕  
兩年辛苦慣行役征裘已破從潺湲

### 發巖泉

晴影上桃花春山泛曉霞東風知客意吹雨過金華

餘嶺

北望羣峰如垤惟高  
青嶺巍然在前耳

巖彎望餘嶺直上三百武積高不自覺下視眾山俯紛  
如走波濤整或按部伍巖巖界麗縉莽莽帶湯瀟瀟日  
喜西峰連陰怨東隴北去山獨高南來道所取高青稱



名實寸白吐雷雨回首問山靈屈指孰盟主此君方在前汝合餘子數

溪田

溪田本非田巖屋本非屋壘石復銜泥鑿山方架木庚庚田畫卦搖搖屋聯舳屋紆而田耕男春而女薪溪女本吾女巖民本吾民脂膏出賦租用告在位人

卻金館

明廣昌何太守溫州時上計入都永嘉丞陳士民金餽之於此何公卻之乃爲立

館萬厯中巡撫溫公純增修之立碑尙存

使君方上計陽喬宜獻誠不必在位時實有豈弟聲金

來自丞手曰釀諸編氓于理不得受況以邀清名清乃  
被人知在古何能奇以予觀今自好者介介亦復多有  
之館之修之以名地何公得此亦幸事吁嗟乎選錢舉  
袖伊何人受金豈卽非名臣

詠田家二首

愛汝山居好茅茨活計存春盤蘿白脆冬竈靛青溫戶  
有鉦防虎田留繖嚇猿誰知雲背上也復有雞豚  
樂極煙霞地春催雨水天麥高胎葉白茶嫩乳花圓立  
石郵分水犁泥戶曬田桃花自開落休惹釣魚船

三望嶺

山外青山十二層層層都有碧霞蒸  
東西北望無空濶  
金處衢州實式憑眼底放開容我傲峰頭  
踏遍問誰能  
臨風試作孤鸞嘯彭祖安期喚卽應

桃花嶺

卽木合嶺亦  
曰馮公嶺

東南有高嶺厥名爲桃花實界麗與縉望遠連金華豈  
徒表枯蒼南江通永嘉惟天所設險氣候百里差想見  
盤古時老死安其家多事生馮公關路紆巴蛇金巖溫  
處人從茲走天涯絲棉布漆油鹽鐵甃筍茶穰穰溷仙

都擾擾殘芝葩後賢此置戍堡塞因仍加巉巖比劍閣

險要逾衰斜傳聞一夫守力可迴千車

明人謂守海公  
敬則寇不能上

守老鼠梯則  
寇不能下

維昔石抹公一敗爲蟲沙亦逮李將軍勝

兵建虎牙德險起有言和利孟所誇如何寡謀子依倚

相矜夸我來當仲春軋軋竹始芽惟思蔭蒼雪未見蒸

紅霞凝絕赤水楊

鏤

擬泛桃源槎源桃自開落不管興

亡嗟

眼前

眼前十萬好峰稠誰借秦鞭驅九州便展青山作平地

盡填滄海起朱樓教成男女供歌舞養出龍麟作脯羞  
人世快心如有此但爲方士勝封侯

東渡山

昨登木合關茲山早予待新程赴夙見敢謝步趨趨南  
崖設方城陡絕俯幽境北崖垂天紳秉圭肅寮案五峰  
中峰高明光貫重鎧旁趨方執爻側聽仍負櫺隆隆困  
積穀碌碌車遷貽亦或排旌幢有如列鼎鼎窺墻譏宋  
玉列障鬬王愷舞雨非羊羣渡河疑豕亥一峰懸壁裂  
洞府幾千載終古毓靈葩方春散霞綵想見山阿人含

睇結蘭茝自我游雁山浩蕩觀石海其餘不足數千里  
空鬼磔北來逢此君娛目猶庶殆陰晴景屢變橫側觀  
漸改奇多前易失事往後難悔胡爲僕夫智去去若將  
況

黃龍邨戲詠峰頂醜石

肩輿夏午夢睡過黃龍邨笑兀忽驚起鬼怪峰顛屯幽  
幽漆鴈色磊磊瘡癍痕赫如鳥九首予若夢獨蹣閃爍  
楊大眼鼻鼻周黑臀額蹙風雨庇脣反波濤掀蓬頭藁  
新束露頂柳已髡仙頑號邇邇奴健名崑崙井羊躑且

舞屋鴟笑而蹲乍蹄彭生豕亦駕河伯鼃厲鄭喧伯有  
守蚡來灌袁竒訶劉伯龍保見楊王孫摩挲金剛杵顛  
倒盂蘭盆合力抉地軸被髮排天閭難勝豕塗載不畏  
鍾馗吞白日尙攫人況乃來黃昏嗟予適病瘡汗透相  
如禪目瞪將失聲口哆不得言輿夫告予石驚神稍歸  
元囊中石嬋娟粲粲皆仙媛頃於山海灘河間得石六十餘頭皆希世選也千  
山伴行李一一手所捫練色和且柔玉肌粹而溫含睇  
又宜笑佩芷牽蘭蓀星娥與月姊往來情所敦何嘗見  
奇犇正復須溫存幸然密裏束不爾驚芳魂我聞仙都

翁命爾守洞門奏天借爾醜駭世令人惜胡爲士失伍  
坐令虎變藩自從漢晉來遂通南北轅堂堂清虛地擾  
擾塵埃喧雲枯砂井穢龍去芝田翻久成日中市乃失  
桃花源吾將訴真宰叱汝成伏獬銜汝以填海煮以供  
盤飧化爲塵與埃終古無根源石如愕而聽亦愧辜仙  
恩天風吹行雲忽如拚而奔寥寥高宇空一笑吟眸睂  
吾言實戲耳於汝何讐冤

鐵

掘土淘沙煉得成條條束筍汗肩頰可憐辛苦杭州去



不鑄耨鋤鑄五兵

山行

山行四日兩日雨雨山如醉晴山醒不辭醒醉泥去行  
旅釀得春原千里青青翠空濛接煙樹白雲又沒題詩  
處桃花菜花相間開送人北上金華去

留金嶺

金肥塘路接鴉塘小麥連雲翠隴長莫笑畱金升斗水

灌田一萬二千秧

嶺上有碑言嶺左金肥塘鴉塘龍眼塘清塘四塘之水共灌田一萬二千

餘秧公立禁約不得閉越竊賣承人田以秧計畝凡六十秧一萬二千秧蓋二百畝也

至永康得小船高不盈三尺前後通脫偃僕入坐  
艙中一板之外卽係驚湍稍復展轉則山川顛  
倒行又甚緩下水日纔四十里蓋浙河船中最  
劣者也危坐無事戲作小詩嘲之

猶不廢吟哦天公奈爾何大荒誠空濶小艇太么麼濶  
比青田核尖於雷澤梭刁騷聽而易豁達受風多有漏  
須張蓋無帆或樹蓑周旋嫌袖大危坐願身矧未敢伸  
腰欠難容側弁俄外觀諍便捷回顧畏偏頗岸峻山全  
失牀低浪暗過濡頭疑醉墨洗耳近清波泛泛初浮葦

翩翩半捲荷程途航海燕名目寄居螺守道非蛇螫參  
禪卽鳥窠幾時蠶出繭終日蟻緣坡載我膏騰夢從渠  
安樂窩洗兵知不遠順手挽銀河

橫斜渡

東西搖兀信輕舟望斷金華八詠樓雲湧山如浮海上  
石迎船忽轉灘頭鳩聲勸客橫斜渡鷗鳥隨人汗漫遊  
肯借冥濛三尺雨蘭溪咫尺卽杭州

花樓基上里許居人取石兩山腹皆空矣

鑿透青山洞府開要從地下起樓臺三千年後無人識

定有胡僧宴坐來

灘謠

橋裏灘水濁橋外灘水清划船過橋去白雲驚櫓聲

橋裏灘  
橋外灘

春水掣金蛇春山帶晚霞楊家灘上石五色粲如花

灘

楊家

歷歷永康水西來武義灘銅琴彈別調苦說在家難

銅琴

灘永康武  
義交界處

林隙紡燈紅人家在空谷明月照灘聲今夜鹽橋宿

鹽橋

灘

林林遠灘石齒齒冬竿路莫倚東南風勸汝橫斜渡

冬竿

灘橫  
斜渡

白鳳語烏龜各自據津要捲地大聲來黃師忽狂笑

白鳳

灘烏龜灘  
黃師灘

喚起金牛好休教洞裏眠重開入山路不坐上灘船

金牛

洞

上有白犬灘下有白羊渡可憐武義塔招手人不顧

白犬

灘白羊渡渡東爲武

義水口去城五里

黃風吹白馬作勢遽如許兩兩對頭車停篙不得語

對頭

車

懸翠晴常溼高紅寒有花舟巖開粉本教汝識金華

巖舟

是武義金華交界處

人言金華水照見白玉簪且教崑崙奴來試鐵頸潭

鐵頸潭

潭

平地捲冬雷濤頭一綫來來船兩招手知是上風開

上風

開

莫倚下風開北風作人語南岸石蝦蟆掉尾只待汝

下風

開

肩扛猶倒行手牽那得度日暮鵙鷗啼行人斷魂處

牽手

灘

小青看不厭大白浮須痛夜來遠灘聲圍住還家夢

小青

灘

雲連下荆屋雨暗荒田樹從今平遠山莫作驚人句

下荆

灘荒

田灘

樓影漾春雲灘聲憶使君直應添九詠喚起沈休文

八詠

灘

登八詠樓

隱侯佳句豔瓊瑰八詠流傳亦可哀  
束縛正愁分郡竹婆娑猶似顧庭槐  
四窗曉翠迎人出百里西流捲地回  
借問黃楊軒畔月祇應曾見使君來

至金華溪水驟漲

永康新雨灑春田八詠灘頭浪拍天  
便有畫船吹笛過儘容孤艇挂篷眠  
絳前風影絲絲直鴈後波痕箇箇圓  
六十里山青不斷蘭溪只在布帆邊

哭劉實卿廣文

華



琴劍飄零易文章懊悔無一擅仍薄命

選東光訓導未到任卒於蘭溪

千里卽窮途鄉國春無雁殯宮晨有烏讀書傍松桂遮

莫念遺孤

接君子阿宜至臨安與諸子共學

### 鼠步阻風戲贈春水

衮衮驚湍東向流江河日下使人愁一風截轉黃盆水  
萬浪高齊白玉樓助勢儘多宵後雨得時須避北來舟  
海門待汝添潮汎且爲春田更少畱

### 花朝雪

琪花鶴氅布春空一夜潛隨渡海風忽失遠山千疊翠

暫遮初日十分紅  
冷摧林杏霑泥溼  
滑助隄鶯唱曉工  
畢竟青天漫不得  
幾時雷電下蒼穹

東坡春分事詩故作漫天柳絮飛

### 寄懷樊昆吾臨安

發篋陳書氣慨慷  
千山風雪戒戎裝  
江河述作思陶謝  
冠蓋功名憶貢王  
是處關心開幕府  
幾回撫髀看機槍  
游秦游楚都無藉  
讀罷陰符試舉觴

### 鈔詩

潮東形勢亦三邊

寧台溫

客子光陰忽兩年  
收到海聲詩

卷壯敵來嵐瘴酒  
杯賢清時遂有從  
戎集雅志原羞負

郭田舞罷雞聲吟未穩不知誰著祖生鞭

十八日至杭州淮兒待焉示之使還廣州

汝解憐吾病天難貸客閒兩年叨祿入多事屬時艱且

問方圓陣休論大小山東南開幕府歸去賦平蠻以上節鈔

從戎下集

石嬋娟詩并序

庚子辛丑間沿檄行溫台海旁遂渡海至玉環  
披雲入雁宕皆游迹不易至者因隨所至必拾  
其一石以爲他日相思之具西歸過桃花嶺入

永康下金華灘重水複石子五色彌望璀璨乃  
戒舟子取以備選間或登岸自爲去取積日漸  
多選存十一大約形爲上質次之色又次之舟  
中把翫忽驚忽歎不自知其爲童子嬉也夫石  
子雖微其賦質受色乃天地山川之所孕結又  
日在驚濤駭浪中爲所激激裁鍊積不知幾何  
年月乃得成其支離古怪之形不遇有心人則  
亦埋頭匿影於荒煙野蔓流波之所浸風雨之  
所蝕邨童舟子之所拋擲而踐踏遯世無悶抱

其瑰然之姿與寬閑寂寞之濱相爲終古而已  
矣一旦經於有識者之目入於好事者之手摩  
挲歎惜登之几席遂得與雷氏百衲之琴於越  
千金之劍千萬古聖賢寄心載道之書雜列竝  
陳而無庸謙遜退避此其遭際得不謂之幸哉  
余旣幸其遇又感夫磊磊者累萬盈億其不經  
吾目不入吾手而所稟負蘊結安知不有百倍  
于此者而竟以不遇而又悟夫古今來天下之  
大瓌材異質遇不遇大率如此不但石也一日

三復百端交集昔成我存

性

奉使入蜀得石于

陽平間有元豹文西子粧錦蒲團舊袈裟八寶  
聚雨蝦蟇雲樓影玉樞丹鋸浪朱梅諸名計其  
所得十餘枚耳未必皆奇又卒覆舟而失之黃  
金峽猶作選石記謂石已沈矣而予復存其籍  
者政如漢武帝致李夫人之魂黃山谷設蘇東  
坡之像可謂癖矣况予所得倍之且又皆見存  
無恙可不表之以詩而記其原始哉人事變遷  
世無聚而不散之物平泉醒酒東坡雪浪劉氏

池中之曜米家袖裏之珍今皆何在則此石能  
爲吾有幾何年能否保其不爲黃金峽之續政  
不可必然它日吾子若孫猶知某石曾爲吾家  
所藏能舉其名以誌于人安知不賴此時存之  
于籍則甚矣記與詩之不可不作也石凡卅二  
曰纖纖曰削成曰愛惜曰栗跗曰松根曰黃香  
曰竹如意曰荷葉被曰冰桃曰瑣子骨曰翠桃  
曰虎爪筍曰楓人曰石畚曰華池曰霜巖曰柿  
核曰師巖曰山薑曰桃核皆以形奇者也曰黃

海松雲曰題糕曰披雪曰凍鶯曰瓊瓊曰子鸞  
曰木榴以質奇者也曰天下白曰掩映黃曰紺  
龜曰無此青曰斷霞以色奇者也附之者曰石  
果曰多蝠曰五峰皆以形也曰紫竹曰雨花皆  
以色也嬋娟之者光可鑑秀可餐彼美石姬可  
與晤語未見好石如好色者也

纖纖

得於鋼琴灘上宛如佛手柑  
玉指纖森近腕微有黃暈

雙雙飛燕拂鋼琴纖手相逢忍俊禁試語香絃春恨淺  
倘拈花片碧痕深弄姿還汝搔頭玉逞睡愁佗纏臂金



道似黃甘應指月莫教絲竹擾禪心

削成

一峰端正如筍微黃頂頭灘上得

倩影亭亭正不煩一峰偏得夕陽多染成正似鷺兒酒  
削出應憑燕尾波宗閣幾時分玉筍幼輿防汝擲金梭  
銀河近失支機石還贈黃姑意若何

愛惜

古柏一株蟠詭玲瓏得於百越灘

廟前老柏榦青銅化石何年入越中神力扶持原窈窕  
世人愛惜到玲瓏擎來掌上三珠貴鏤出花心十字工  
借問嵩陽老居士壺山清闕得相同

栗跗

黃蒂赤跗得於下錦灘

燭爆秋風一顆新  
狙公驚見認逡巡  
赤心戰栗兼投贈  
今日軍前要此人

天下白

白質瑩中紅絲肉縱得于高筍灘

林林高筍帶斜陽  
生長明妃記此鄉  
越女本來天下白  
伊人宛在水中央  
剗心有血桃花熱  
熨體多愁柳絮涼  
試把玉簪敲砌竹  
夜深留月按霓裳

松根

得於雁宕大龍湫下

疑雲疑石復疑松  
重是靈湫水畔逢  
縱有瑕疵當恕汝

本來鱗甲待成龍從今風雨論心便盤古煙霞到眼濃  
白鳳梅花下方竹歸來相伴過三冬

黃香

石紋宛如梅花榦枝花萼  
皆具得于武義白鳳灘

清淺眞思出手攀纏雲負雪樹彎環三生石上華光老  
縮本圖中鄧尉山小字黃香從古有舊巢白鳳待君還  
蘿岡築屋知無分且著梅精慰老鰥

竹如意

如世所謂壽星竹者纖柄終  
葵首作如意形得于下方灘

壽星名竹古無聞誰作新圖示此君已見孫枝穿石罅  
從教祖本置江濱生成如意裁黃玉抱得冬心話白雲

老我且爲鸛鵒舞幾時兼領鸛鵒軍

黃海松雲

山形黃色青松白雲微露于山脊

落手黃山儼一拳客囊有意伴嬋娟鋪成雲海綿綿白  
露出松釵箇箇圓我欲撫絃秋送響誰將代麈夜談玄  
他時筇笠非生客早向人間管洞天

題糕

宛如糕餌鬆脆可餐黃色黃盆灘上得

歲歲重陽朝漢臺長歌短笛野筵開空多落帽簪花客  
難得登樓作賦才把酒仍看山色健寄書常憶雁聲哀  
故人借問吟詩膽恰有題糕餉我來

荷葉皺

流江灘上得

五朶芙蓉簇曉煙十分清影落壺天  
澗乾半貯秋來葉雲溼常滋嶺上田  
眞見荷皺開畫本從教落色照詩牋  
崖陰只欠三間屋谷口剛迴九曲泉

披雪

楊家灘上得

一笑相逢冰雪天紅氍毹映毼羅  
絛不須更覓白頭姥從此應呼赤腳仙

冰桃

得於桃花嶺下

桃葉桃根浪有名桃源問渡誤三生  
冰盤添得綏山種

不負劉根是此行

凍鶯

得於楊柳灘

凍損花前金縷衣  
曉來縮頸忍朝飢  
蜜鶯喚裏人初返  
玉環有楊柳灘頭汝倦飛  
出地新雷驚太早  
陽春白雪和應希  
西湖風日晴如畫  
斗酒雙相伴我歸

掩映黃

得於黃華關

桃源梅雨遠難尋  
咫尺相逢慰苦吟  
掩袖半遮雲意薄  
映花斜入洞門深  
已開絕浦通銀漢  
只少飛流和玉琴  
千里黃華關下路  
夕陽曾照遠遊心

瓊瓊

得於劉灘

一握輕盈始破瓜分明喜氣透窗紗曉觴凍合流霞酒

春鏡催開映肉花天許芙蓉分醉臉人傳芍藥卽瓊芽

元陳旅有瓊芽無雙碧玉知同姓莫道紅兒是小家人

賦謂芍藥芽也燕卿劉姓小字紅玉此詩蓋以嘲之

子鷺

得於東敖灘

浪花煙草曉灘虛誰放金鷺戲石渠濃似拾遺江上酒

小於逸少扇頭書打來乳鴈還爭認比到雛鶯定不如

持問劉郎倘相識東堂一片與分餘

瑣子骨

楊家灘  
上得

一品衣裳映日明  
要同黃鵠鬪身輕  
試教扶上薰籠立  
定有笙簫白日迎

木榴

坎門  
得

玉環福地誰作主  
地肺之山通坎門  
松子未仙仍海島  
桃椎送我且中原  
一拳分翠連雲拔  
九轉留丹到手溫  
從此袖中堪避世  
木榴山卽是花源

翠桃

得於  
石塘

師雄夢裏啁啾羽  
飛入桃源唱曉紅  
不遇寄書三鳥使



錯逢結子五更風  
洛神拾去遊江滸  
曼倩偷來戲海東  
見說瑤池多似米  
一枚聊伴錦囊窮

虎爪筍

入詠灘  
下得

驚雷新筍記杭州  
冬節春鞭嫩玉抽  
色亂茶山傳虎爪  
價高香市勝貓頭  
半鉤誰擲三鴉水  
一片相逢入詠樓  
恐是樞星淪下土  
荒齋清供冷飈飈

楓人

湛湛青楓江夜來  
雷雨吼樹瘦鬱輪  
困一昔大如斗雲  
巖邀賦詩山部勸  
沽酒是風吹九天  
變化亦何有居然

石丈人無復支離叟我衰歎匏落雞窗少談友攜君爲  
老伴享之等家帚署爲木居士稱我石交否

石畚

幾時王景略遺畚此山隅一簣煩收拾八荒方埽除

華池

我行深谷中山開見石髓不須長桑君飲以上池水

霞巖

布帆指西日帶水來東陽一卷縮靈岫萬仞含朝霜崖  
樹巧鉤勒乙乙冰花涼高巖裂無底下瞰波湯湯安知

虛無中不有神仙藏出入且懷袖棲遲眞我鄉

柿核

嘗聞七絕樹其葉可學書誰食棄其核化爲石齟齬我  
飢拾橡栗得此空欬歔欲種無藍田待擲非潘車安得  
焦先術煮以供儲胥

師巖

照眼碧巉巖曾經鬼斧剗爭傳丈人石化作少師巖拂  
豎從高吼毬拋寶巧嵌莫教西海去神俊正非凡

山薑

以上皆金華灘上得

辣地何方覓神明要主張元和新樣薄斂手避鍾王

桃核

青田灘得詩  
見從戎集

紺龜

赤溪下得詩  
見從戎集

無此青

銷塵渡下得  
詩見從戎集

斷霞

四十九盤山下  
得詩見從戎集

附

石果

出武義入素  
山朱述之贈

祖龍鞭撻四海困石走山飛天飲恨桃花源裏長子孫  
八素山人亦行遯八素山高天尺五萬年松矮雲膚寸  
采薇拾橡豈充饑煮石蒸沙不成飯幽人長餓天所憐

石果離離綴煙蔓布種何殊伯夷樹加餐定有焦先勸  
年深世遠人已仙尙有餘糧草間溷朱侯寄我黃羅封  
侑以新詩發高論翠皮細核搖有聲到手纍纍雲液噴  
我方撿點嬋娟囊皺栗冰桃寒玉嫩客裝添此足傲人  
玉豉金鹽增食頓齋廚日日免餐霞歸去從今謝塵仝

紫竹

普陀石也  
朱述之贈

造物甄陶佛力雄碧參差映玉玲瓏此君別有新圖巧  
阿紫人傳小字同筆力漫猜文與可交情惟許石虛中  
不須更受襄陽拜已有菖蒲在下風

多蝙蝠石

普陀石也文理凹凸皆成蝙蝠形百錢得之杭州市上

茫茫東海漱曉霞普陀開出青蓮花人間無此乾淨土

一木一石皆菁華朱侯贈我一拳綠

述之昔游普陀贈一石上皆紫竹紋

曾訝清風搖紫竹何來此石紋更奇蝙蝠紛紛競飛伏  
或飛而上衝暝煙或投而下捎風便反側橫斜各有態  
如聞嘖嘖庭花前入手橢圓僅三寸玉質瑩然苔色嫩  
想見陰崖閱古今浪嚙波裁雲液噴我聞多福乃自求  
惟皇斂錫傳箕疇富壽康寧考終備皆以好德爲之修  
我窮只願多文在敢以黃金宅時輩老讀詩書稱善人

是非不到衡門內百年如此自足誇此福人間那有涯  
稽首慈雲謝靈貺子孫寶用傳其家

五峰

英石也  
以架筆

五老東來告帝期一天佳氣入衡卮誰言裂漢撐霆勢  
也有潛龍屈護時觸我鄉愁仍皺瘦照人秋色共欽欽  
年年架得如椽筆應是青匱舊物知

雨花石

朱述  
之贈

天雨諸香下帝臺大同天子講經來尙留子石臨江活  
恰似房花向日開妙道無心存瓦礫遺民有淚豔瓊瑰

拳峰乳鉢菖蒲供伴我禪扉不用猜

以上節鈔  
石婢娟集

林少穆先生頃來鎮海有詩贈汪少海大令書於

筵上少海屬於背面畫梅花卽和其韻一首時

辛丑六月也

春風吹老戰場沙零雨東山感物華閱世可憐湖上月  
同心那得歲寒花憂來避地無如酒畫裏移居欲借車  
慙愧羅浮青鳥問向來清夢怯烏紗

杭人吳杏舫爲余寫照圖成而無名因取素所自  
勗飽食飯多讀書二語名之并系以詩一首



書生不能縛一雞赤手乃欲屠鯨鯢東望攬槍自太息  
飽食起舞蒼龍低

四明長谿有覆車正坐不讀古人書世事安知不到我  
冥行擿埴將何如

送張左泉巡檢

洪

之任玉環並柬朱勿軒司馬

王寅

老我遊從地肺還爲君說與一開顏東西青合連城嶺

大小烏盤拍浪山

玉環有東青嶺西青嶺大烏山小烏山

霜晚蓍絲申海

禁雷秋

船網稅報

嚴關使君坐歎桂苻絕落盡庭花白

盡閒

爲李雲坡別駕

承恩

畫雪梅題

建子紀荒邨滿目氣蕭屑平林黯無色收斂應冥節破  
春有孤根閉戶自怡悅除道誰見過危哉僵不折定香  
發深夜執筆寫清絕成詩忽長歎開門一天月

張孟皋縣尉爲余紈扇上作紅白牡丹子範題詩  
以余方被軍功保舉故有春風擡舉之語依韻  
奉答貴述本懷

雲中九錫多光怪欄外羣花齊下拜喜色眞宜卯酒添  
甜香暗被春風賣韓家兒女漫譙訶椿樹樓臺正按歌

畫出鶴翎擎露溼飛來猩血映江醅南強北勝皆天賦  
爲報幽叢仍守素笑我朝官冷性情稱渠贊善新詩句  
陸子範屬題張孟皋畫梔子杜鵑花便面卽次其  
題余牡丹紈扇詩韻時子範未得保舉故詩意  
及之

禪香寂實時人怪只合菖蒲下君拜雪裏霜封清淨身  
向來肯被分文賣有用無情任詆訶畫入江頭抵詠歌  
旁觀自爲卞生泣血淚分明非酒醅士今不遇何須賦  
不如歸去行吾素老我原非遠志才山妻已寄同心句

爲李雲坡別駕題杜鵑芭蕉便面仍用前韻

山客價高人，不怪紅侯年少。誰新拜可憐，怨魄逐春來。  
正被擔頭和淚賣，憑仗靈旗與護。訶柘枝對舞，柳枝歌。  
青羅扇薄，心終熱，綠蠟光融。臉半酡歸來，試續閒情賦。  
袖中珍重，齊紈素，丁香相向。話春愁，杜宇催人，裁恨句。  
楊飛泉司馬桐陰宴坐小照

洞庭三萬六千頃，使君坐歎春風生。人生如此自可喜，  
綠陰幽草吟懷清。胡爲萬里走蒼洱，嵐興煙屐鐫題名。  
刺桐繡雨鸚鵡喚，苦竹驂雲童子迎。回頭忽憶行樂處，

蠻風吹起思歸情海水陡立天吳驚歸來正請終軍纓  
度支新法倚劉晏書檄雄文須馬卿嗟予珥筆亦隨後  
冰研風簾時幾更呵毫揮汗不自苦東南蒿目愁窮氓  
梅巢鶴柳浪鶯湖山粲粲羅新晴勞人咫尺不相見何  
況靈威洞府菰蘆城燕然何銘赤壁何成行臺壓夢飛  
長鯨雲臺煙閣畫不到中書禿盡慙陶泓不如散衣聽  
鉶笙世事默數黑白枰雲裊霞褥有佳處幔亭千嶂胸  
中橫梧桐生矣歌載賡坐待天邊鳳凰鳴

題龍游巡檢章完白綠陰飛瀑圖卽送其入都

章侯瀟灑古誰比志大官卑常自恥適興時橫彭澤琴  
到官惟飲龍邱水綠陰飛瀑自年年茗椀香爐值幾錢  
待辦閒身逐清景軍符催上渡淮船羽書駱驛高連屋  
縱不驅車仍錄錄涼蟬喚雨輒紅銷佳境祗容清夢續

贈費崙虛參軍

文滄

我攜明月羅浮客君似閒雲來震澤千里相逢明聖湖  
十年約訪靈威宅靈威宅畔石庭荒明聖湖頭烽火張  
十庫樓兵開制局五諸侯座射天狼軍書須出陳琳手  
節度仍煩諸葛守鋤粟長錢無盡藏特支橫賜隨宜有

茫茫憂憤不堪論暑汗冰宵盼策勳從此馳驅同許國  
三年不夢故山雲去年鱣浪舟山起馳召枚臬筆花喜  
橫腰正復吼蛟龍撒手誰能顧妻子感君慷慨黃金卮  
行矣張堪把臂時嗚呼秋日照肝膽北望包山天渺瀰  
去秋夷鯨重犯定海裕魯山節帥飛檄調余君慨然爲  
任家累擬移居洞庭西山嗣以常芸閣方伯畱余乃不  
果包山桃花開又落炎海驚濤止還作五日重牽纜命  
絲千秋誰畫凌煙閣羽箭賢冠足是非鳶聲鼠味一歔  
歔石公縹緲知人意直待功成共拂衣

贈畫師吳杏舫

封侯須得面如田折頰欽頤每自憐醜似承宮難示遠  
聖非蔡澤敢論年詩書有氣勞君望邛壑無人讓我專  
南去柳營諸將在彩毫珍重畫凌煙

謝病家居張雨樵大令

印塘

贈白金辭曰藥餌之

資賦謝

故人仁政及鰥孤屢問饔飧近有無恰爲豬肝勞令尹  
敢將祿米卻胡奴藥爐久歇方重檢食戒新開酒更酤  
惟有鄉愁醫不得曉來秋興到蓴鱸

是日立秋

爲卞光河方伯畫山茶梅花題句



官梅丈人行山茶兒女花誰言犯冰雪同此鬪清華爭  
得天心轉憑渠物望許從今桃李輩爛漫作生涯

題陸子範太守蒲團宴坐圖

癸卯

男兒墮地鯤鵬鷲讀書識字憂患根一蒲團地辦何有  
獨樂不到仁義門君不見天台桃花冬晏溫寒山跡  
生薜痕優游半刺計良得塵蜩屢挽高人軒橫海樓船  
試溟渤從軍書劍窮朝昏蛟門霹靂助吟膽龍冢風濤  
翻旅魂此時回首釣游地清夜蒼茫聲自吞又不見崑  
崙之關左右源壽邊樓迥羅芳樽洲花淨照太守席林

鳥倒掛山生園來何遲兮坐自苦鬱林片石無與言卽  
今鑄鐵已成錯黃龍清酒交情敦勞薪宜放置空谷赤  
郡又綰攀高轅君由台州同知南甯府知府留署杭州特授畱爲西湖本  
虛語萬事伯始方闐喧一閒到手豈易得畫圖聊寄心  
所存丈夫之生志元元一分受賜當手援動中思靜偶  
然耳竊恐逃虛非道原嗟予小子亦孤冷三載未厭軍  
書煩折菱何緣學鄭敬聞雞尙欲希劉琨進公一解公  
髯掀世事反復風中旛君不見深山老衲枯木臂夢中  
軒冕朝天閣

熊子容大使

松之

彼岸圖

一僧趺坐海岸二侍女一執杖一捧戒刀

熊君達觀無與倫宰官忽現優曇身婆娑海岸險絕處  
敷坐而坐無冬春鐵拄杖不打地龍雀鑲來罽賓捧而  
侍者雙天人相顧非喜嘖非顰我聞吉祥之草青無塵  
作師子座高由旬爾時天魔變窈窕試佛定慧須橫陳  
今之圖畫無乃是情瀾愛浪驚沈淪何不斷取三千大  
千欲界著右掌擲過恆沙國界以外如陶輪或疑歌利  
王宴游攜翠嬪王倦諸女出尋花來水濱顧見忍辱仙  
趣問何逡巡茫茫四大陶鴻鈞此身空虛幻非真何須

伸臂歷賢劫乃信解脫超迷津君不見乾坤納納孤無  
鄰羣飛海水高我岷天吳躡踞罔象踰百怪競作方蜃  
輪誰歟堅坐不動尊不聞不見道益神一枝高矗般若  
眼半叉快除煩惱根回頭苦海憫人世冥心淨土隨天  
親問君此意默不嗔雲天俯仰波鱗鱗待渠一毫孔中  
納盡四海水始與道破無生因

閏七月晦日陸子範太守招同周柳塘

召棠

張雨

樵

印塘

兩司馬李雲坡刺史

承恩

滿家街看桂

花兼游煙霞洞石屋洞淨修庵

晴入秋光好遊蹤忍更慳晚荷猶媚水初桂已馨山烽

羽三年劇吟尊一日閒向來騎馬路回首髩毛斑已亥秋與

子範騎馬來遊距今忽五年矣

山腹通游屐雲根接太虛千官今寂寂煙霞洞口有千官塔刻南宋諸

臣姓名大一佛自如如未是煙霞伴那容木石居問龍半剝蝕矣

乞靈乳洗眼讀文書官文書也

尋幽驚創獲別洞石樓分石屋洞石樓南下一小洞人迹所不到也

六七尺許下漏日光壁無佛像亦無鐫刻題識惟明人曹慶孫鐫虛谷二字耳此洞圖經所不載是日余尋得

之午漏中天日秋涵一甕雲好鐫鉅鉅記誰授結璘文

雲笈七籤太素真人授太上  
結璘文在白水空山之上  
不朽羣公事名山待令聞  
晉書鄒湛答羊公曰令聞令望必與此山俱  
傳時同人方謀葺治此洞題名鐫石故及之

偶向清修地驚詢苦行僧茶毘干指見蓮坐幾人登憶

舉車輪角從施寶筏繩本來明上座一面喜吾曾南高寺僧

本然台州人余於辛丑七月訪之與論車輪六角空中  
轉云本字六角又言前三三後三三共一十八亦本字  
也此義前人未發自言晏坐有得不臥者三十年矣頃  
以詢淨修庵主松德言其今夏化去茶毘時合掌跌坐  
面作金色千人皆見蓋得道者自余來杭州所  
見空門之士類不足與語惟此苦行一人而已

往歲防夷地湖山本勝游鶯花驚牧馬士女識輕裘實

有巫臣喜誰堪卻穀謀遺聞增痛哭不意有今秋松德談豐

副將事

甚悉

玉坡制府師以八月二十日啓節赴閩偕陸子範  
太守李雲坡刺史包執之副使送之三衢途中  
卽事和子範韻五首

共有澄清志風雲擊楫看狂波三載息台宿一星寒  
送別民情見論心世事難臨歧知己淚碌碌負儒冠

使節寒潮外吟筇夕照邊松篁拂昏曉鐘鼓自山川舊

夢尋雙淵緇塵感八年洗心還未暇歸路又炊煙

子範諸君遊雲樓憶自

丙申來游閱今八年矣

未作津亭別仍陪峴首遊經魚寒度雨茶筓細鳴秋識  
識金輪劫書同玉帶畱幸無干偈贈蓮舌若爲酬二十  
復從玉坡師詣雲棲寺僧出示蓮池大師火災後所貽  
書及高廟御題香光所書經冊師書聯紀事僧  
以雲棲法彙贈師及子範而餘客未及故末句戲之

磊落尊前話秋心照短檠菜根眞事業燈火舊書生尙  
有鷗波夢誰期麟閣名君看嚴瀨客易地總同情聽師談少

年時事並言釣遊舊地恆不去心二十四日  
舟過嚴瀨獨登東西兩臺從人皆莫能及焉

載酒門生例空江別意深梯雲閩嶠路執手歲寒心  
業崇如礪譏讒眾若林但留松柏在何慮雪霜侵



巖灘

艱難上水憶曾經  
放眼中流快此行  
雲散天畱正蒼色  
風來山作變商聲  
勉從塵世論簪組  
羞被先生識姓名  
漁翠樵青生事足  
無出何必不歸耕

出瀧

濛濛寒霧夜江霜  
柔櫓咿鴉犯曉開  
鱗水碧迎紅日去  
層山青出白雲來  
題襟別遠思霞嶺  
擊楫歌成謝釣臺  
萬壑千巖留不住  
從他漁父笑麤才

重九日富陽道中同包執之

行役兼能覽物華  
何須避地遠攜家  
雲推山出松如箸  
雁帶霜來菊有花  
未免觥籌思故國  
幸無風雨滯天涯  
年來數遍重陽節  
百里登高此會奢

高路鄉書感

看山老眼忽增明  
處處秋來歲告成  
紅樹人家紡車影  
黃雲社讀書聲  
倉箱不更愁官府  
釣弋兼能會友朋  
老我定知無此日  
宦塵如海了平生

度慈雲嶺

漠漠秋陰散野田  
筍輿吟望背江天  
行穿雲白山原在

看到霜紅樹可憐石解聽經應作佛魚唯食字豈成仙  
石佛寺無僧殘經在座大半飽蠹魚矣  
麗眉我亦書叢客牢落風塵感歲  
年

題舊畫梅花幀子送劉介江之武昌

已亥夏劉介江明府之昌

化任羅心吾同年招同陸子範榮及亭王蘭圃  
傅松泉錢之湖上余席間爲畫梅花同人皆有  
題句忽忽今五年矣軍興以來聚散不常而介  
江去昌化任上虞正當賊衝保全爲幸今復奉  
檄買鉛楚北出畫屬題是時陸榮王傳適皆在  
杭州惟沁吾改官歸湖南矣撫時感事不禁慨  
然爲賦  
長句

湖邊多少相思樹親見行人離別處晴雪茫茫照酒杯

古愁黯黯通豪素晚川山外曉星移夏蓋湖頭春草滋  
人事似棋勞反復春光如夢又年時年來風鶴驚常有  
亂後萍蓬聚還偶閒如羅含歸去先危憐劉向更生久  
江城玉笛一聲秋君去醉登黃鶴樓長沙只隔洞庭水  
試寫芳心寄隴頭

送李雲坡通守

承恩

之皖江

雲坡官安徽辛丑沿  
檄來浙畱辦軍需三

載同心百勞俱備今仍歸皖共  
事歉然送之江干卽席成詠

琵琶江上晚襟分三載追尋酒易醺心事與誰論白日

游蹤容我附青雲

同游雲棲石屋洞  
玉坡師爲題名

異時烽羽供籌筆

今日煙麟負策勲  
灣嶽湖山屹相望  
上邪歌罷最思君  
陸子範陶珠泉皆  
和前韻并言昨餞  
雲坡於珠泉處期  
人不至再作一首

開到黃花第十分  
空江別酒不成醺  
古來送客悲寒雨  
昨日期人詠碧雲  
兒女易生歧路感  
丈夫須建廟廊勲  
從戎白盡書生首  
青眼高歌正望君

九月晦日與子範月鄰再遊石屋洞

前與子範尋得小洞玉坡

師爲作記書之并書甕雲二大字是日再遊擇石鐫焉洞口石平處似有舊刻沈別觀之觀劉洲等字隸書猶存乃移避之

咫尺湖山曉出城  
心迹清野陰  
邨樹遠秋老  
洞雲輕獨鶴  
知來往殘僧  
託姓名披苔  
尋舊刻  
棧觸古今情

嘲烏桕

紅和楓葉閃斜陽  
白誤梅花拒曉霜  
辛苦門前烏桕樹  
秋來事事學人忙

十一月初二日冬至曉出湖上作

晴入鳳林鐘日照湖西  
樹柔櫓破晨光空濛鏡中度  
南山曉妝竟一一出寒霧  
漁榔何處鳴驚起雙飛鷺

十一月十七日送客江干作

十日病不出出戶仍愁思疏梅忽已花粲粲黃金枝天  
寒野陰靜風厚日色遲前登慈雲嶺遙望之江湄盪胸  
豈不偉逝者誠如斯如何逐升斗不復慙鞭笞嗟哉送  
客便乃有看山時

今昔行

予範次韻江干送客詩有零露蕭斯  
驚飈風雨之句演繹其義復爲此首

時運有代謝世路更險夷煌煌桃李花昔日枯桑枝今  
昔悠悠誰健者今日游驂昔轅馬轅栗日石驂日答仰  
首悲鳴淚盈把人言墜露不上天亦知死灰無復然蛟  
龍捲海忽爲雨狡獬坎口歎青煙

以上節鈔  
吳山上集

十一月十九日大雪餘三尺陸子範太守用聚星

堂韻作詩屬和

老被稜稜輕一葉破曉驚聞沒階雪刺眼新寒我夢還  
傷心舊事君愁絕前歲連營照吳越虎毛壯士刀凍折  
準擬崑崙夜宴收談笑淮西朝食滅白屋不管飢烏啄  
碧海要使長鯨掣開兵五路進旗鼓垂涕萬夫扛綵纈  
我時與君司羽檄凍腕凌兢頗不屑果然潮擁哭聲同  
虎鼠逡巡纔曰瞥今朝又見寒鸛告此意難從夏蟲說  
閉門兩日和君詩敲碎王恭如意鐵



又和畢念麓秀才一首

顛風攪碎雲千葉散作人天三尺雪填城溢郭不作難  
寸步相思愁濶絕直疑凍陷月輪翻使恐重壓扶桑折  
渚鴻埋沒飛不起往日嗷嗷今響滅我病時思驢背遊  
自憐力未鷹鵠掣買逢溼炭火無華坐近破窗衣有纈  
多君甥舅清且潤秀才子階下霏霏助談屑詩成呼酒  
看雪圖醉帽馮陵袖翩瞥投簡時思消渴人影影琴聲  
定煩說告君鄉夢阻寒雲獨擁枯燈聽簷鐵

次日雪猶未止劉月鄰復有詩來再和一首

坐擁重帷燒石葉聽徹湖山三日雪不見陽鳥恐翼濡  
遙想飢鳶愁食絕硯寒欲併蕉花凍竹重已作荷莖折  
擬塞柴門儘陸沈設侵茶竈憐澌滅酒力頽山誰獨醒  
舞袖迴風時自掣我窮尙喜有座氊汝巧更爲裝簾額  
彌縫掩飾豈無功忍垢含污終未屑當頭日上曉騰騰  
轉眼風回春瞥瞥段橋款段許從遊梁苑便娟好追說  
一慰林逋宅畔花補吹李委腰間鐵

十九日余  
初度故云

範翁復和前詩且言連日迎送之勞妒余病臥四

疊前韻答之

暖入酒杯消竹葉寒樓屋瓦堆晴雪半夜吟君招隱篇  
三歎何如廣陵絕號寒似我合聲哀答版有人愁腕折  
雞窗攬帶僵難結廐火修容凍還滅熱場作宦毋乃勞  
冷局嫌身亦未掣西湖苦憶經時別流澌定作河陽纈  
南北羣山老相對高低萬竹紛蕭屑圖畫待人今稍稍  
風日催春行瞥瞥龍門已失樽前賞瀟橋莫抵詩中說  
何須嶺樹一枝花已拭杖藜三尺鐵

朱述之明府

緒會

復有詩來憂深慮微五疊前韻

爲進一解

伏沴穠枝風癘葉兵氣由來微雨雪漢家樓船昔南下  
高昌兵馬命當絕赤壁不得矚矚力東山無緣展齒折  
高天厚地整優容漂潦遊氛未易滅此事天心早相告  
元旦雪霏雷電掣己亥繼見前冬驅雨雪辛丑復訝今朝散  
林纈君愁黯黯釀殺機我祝蒼蒼節麥屑昨夜嘉湖食  
葉蟲遺螟死盡紛縹瞥兵後豐年儻僥倖內安攘外古  
來說秉鈞誰幹造化功慎哉勿鑄六州鐵

述之見余和月鄰詩觸其所感疊韻屬和再作一

首

北風吹斷悲笳葉城郭山川同一雪漫天有術方慨然  
立身無地還愁絕敢言姑射肌膚殊皎恐易污穢易折  
大嚼何緣清內熱疾走有人求迹滅侵尋罅隙心未已  
揮灑虛空肘誰掣高穹已散礮車雲細點仍飄魚子鱗  
坐想洪爐沃以湯獨閉孤窗涕若屑且禁寒信犬狺狺  
會見消河魚瞥瞥剡溪舟間幾時乘終南句莫逢人說  
青油幕下無陽春宣明面冷如寒鐵

述之和余嘉湖螟死一章有重裘累茵之語感於

余心七疊前韻爲申其說

湖民生計苗與葉

和與桑也湖人直謂桑曰葉

前歲良苗半傷雪歲

漕百萬輸

神倉轉海雲帆亦未絕去年官軍來捉人蠶葉連阡被  
毀折今年葉歉苗幸豐處處蟲災冬未滅卽今老喙雖  
凍死尙恐新糲難輓掣飛來枷杻索絲觔又道蠶榆需  
綺纈用一緩二斯何時額正帶微方屑屑豈無仁賢爲  
請命

羅澹邨

屢告不蒙要人譬醫國眞須鄭俠圖壞牆始

信韓非說怪哉三日雪不寒重裘累茵心似鐵

八疊前韻和朱述之

連日苦吟書柿葉不知清鏡添愁雪誰歟孜孜顧長康  
冷淡生涯但癡絕羨君屢吐齒牙慧卑官未受詩名折  
我我東西兩天目天半松篁正明滅蒼山不望望鍾山  
辛苦文書總牽掣君宰孝豐天目其屬山也君亦天目支山在城外時君以報銷留局尚未  
之官我家蒲澗羅浮外萬樹梅花映楓纈清福今朝夢  
尚慳壯志當時買誰屑故故催人雨雪霏堂堂去我光  
陰瞥東溪幸有明月留西湖且付黃鶯說還君人間五  
雜組自食桑耶一方鐵

九疊前韻和述之

辛苦何須刻楮葉顛倒使韻嘲殘雪

梁簡文帝有顛倒使韻詠雪詩

君細畫宦趣圖仰天大笑冠系絕君知此際掃門人十  
指排籤牙凍折亦有迂儒任履穿不見冰漁愁趾滅更  
想黃臺豹尾間多時鳩鵲龍旗掣深沒韋斌庭外韓瑞  
點謝莊衣上纈上方下比詎有常我臥寒窗亦羈屑簞  
火醫花同委頓課童塞井看漂瞥鏡裏憎容時自礪河  
十素食慙人說泥中明日賦從公也陪光遠裴顏鐵

十疊前韻和繆南卿大令

梓

已歎淮南悲落葉更隨東野吟飢雪三尺蹉跎久未消



經旬唱和誰清絕君鍊剛腸千百結賦出梅花豔堪折  
有情雲月惜含愁無蒂天葩憐易滅我憶聽窗試策時  
飛劍流丸光掣掣此際紛紛桃李枝敢信東風散紅纈  
可憐松竹同摧抑便轉陽和仍嬖屑何殊短布單衣人  
凍死不乞兒曹譬賦性分明未可移世情紛糅那容說  
約君同保歲寒姿脊梁硬挺錚錚鐵

鹿春如觀察屬題鬬蟋蟀圖

翦翦芭蕉帶晚霜蛩聲如雨露初涼分明一角聽秋館  
卻付兒童作戰場

選材養銳各分棚量敵知難等用兵未必癡兒能了此  
只貪一笑角輸贏

正月初二日出清波門至金沙港赴朱勿軒太守

之招

甲辰

春陰湖上路春氣入新年香遠梅含雪行疎柳待煙過  
橋鐘繞樹載酒火明船鷗夢誰驚散松間鼓吹傳

天竺禮佛詞

稻麥桑麻一歲功東南杼軸未宜空晴香雨翠關民事

都在慈雲鬢鬢中

是日上元王曉林中丞  
師委代行香故有此首

編葛疎松我自知鉛刀補履定非宜十年鍊得心如鐵

可有班生一割時

班超列傳昔魏絳列國大夫猶能和輯諸戎臣奉大國之威可無鉛刀一

割之用乎

畢竟風雲氣較長也緣兒女暫牽腸蘭因絮果迷離甚

默熱心頭一字香

徐秋士大令

元潤

屬題令祖沙溪太僕遺像

太僕名憲卿字九亮號泰掖太倉沙溪里人天

啓中在南工科給事疏論紅丸當抵李可灼罪

及駕帖之簽北司之拷非所以示天下公又直

斥忠賢客氏及所用要人奸黨側目奄敗得免  
洊升至太僕寺少卿致仕卒年八十有二

彪虎縱橫日皇綱掃地無清流雖有激碧血定何辜綱

漏同文獄名留選佛圖

選佛圖錄未雁庵  
禍諸君子見北畧

拂衣誰述德

康樂有遺孤

爲朱述之畫梅用龍湫山人詩韻

蜃園澆酒問花神遺老風流記憶真南國烽煙畱幾樹  
西山薇蕨見斯人吟成不覺香生頰畫出終嫌筆有塵  
不是尋常東閣品龍湫山上古時春

為樊昆吾畫梅即送歸粵時屬其經營丙舍故語

及之

夢尋雞黍約無憑老戀松楸語倍真十畝香田如得手

明年風雪待歸人

答區偉川同年 昌豪 見懷之作

越臺壇坵集冠裳三十年來舊話長 嘉慶丙寅余年十五歲肄業粵秀書

院即識 劫後滄桑驚海變 近歲吾粵遭 夢中裙屐憶槐

黃 丙子 遊鯤豈識枌榆樂老馬猶思苜蓿香 君挑二

同年 舉比化行於鄉居官極樂境界余甲午乙未訓導藁城

雖去粵七千餘里然經香氤冷不染風塵至今猶思之

也馬革蝸居都有願蒲衰樗散兩難償

次韻區偉川吳興道中感懷

先生有道豈欺子薄宦依然得遂初不用高歌傷老矣

卽論小子合歸與論功況已銘珠海

出示東平社學碑記團練鄉兵以捍

夷患君實身親其事

作賦從人占石渠今日維桑須保障治安休

惜萬言書

劉介江大令屬題漢江行役圖余癸巳冬公車北

上舊遊地也

晴入江天秋汗漫黃鶴樓高出天半南風掀起洞庭波

勢與此樓爭楚岸大別山頭暮靄橫開襟坐擁漢陽城  
一聲玉笛樽前起吹動行人萬里情萬里行人行不得  
桃花廟口垂楊陌盡點銀燈代月明千手琵琶喚遊客  
頗黎杯滑珍珠紅香結輕雲花裊風十里月牙街上路  
向來無地著冬烘聞君沿檄飢恆寢憶我襌衫吟且噤  
畫好能傳且自豪詩窮莫說妨人晒

贈李試鷗秀才

醫相論功孰較多陰陽容易得調和方書且試淳于意

人命能爭塞健馱

佛說療小兒經十二歲得患者是塞健馱母鬼所執頃小女新茶病至危

篤君實於鬼手奪其命焉自考蟲魚箋爾雅所用鼠印海參諸品皆古人所未深考者也

卽廢梧鳳矢卷阿安懷本是儒生事滿眼瘡痍待撫摩

送彭星舫司馬煥歸養黍邱次陸子範韻

年年心事託歸鴻夢繞嵩扃潁榭中律爲七旬寬次子

養難一日易三公例父母年七十以上家無次子及有次子而篤疾者方得告養君太翁七

十五歲有子三人初以終養呈請格於例案乃引疾以行秋風著意催行李春酒醅

顏醉晚楓徧壤萊衣歌舞暇尺書珍重寄郵筒

八月二十五日同陸子範楊飛泉湖上公餞劉春

臺太守榮熙歸黔南彭星舫歸夏邑余菊農明



府士璫入都復次前韻

離絃乙乙送飛鴻  
山色湖光落酒中  
撒手行藏憐我輩  
出門晴雨信天公  
青連客路仍垂柳  
紅入吟窗漸有楓  
明日浮雲南北散  
醇醪莫惜更開筩

題沈夢華海陵話雨圖

秋雨秋風江上城  
十年前是對牀聲  
海天舊話從頭憶  
池草新愁觸眼生  
裙衫風流高屐齒  
詩書門戶短燈檠  
漂零琴劍今誰識  
獨抱遺編慰九京

君校刊令兄朗亭  
孝廉松籟閣詩稿

甫成

林時庵司馬

朝聘

蒲團相

司馬以宰官身現僧伽黎相宛然僧也一鉢一杖家具隨身固知大有事在矣試爲下一轉語還以質之大善知識看燒卻蒲團否

坐上蒲團百念消不聞不見且今宵朝來日出齋鐘動萬里雲山一杖挑

退敵行爲林時庵作

辛丑十二月君署餘姚縣事時夷據寧郡聞其姓疑爲少穆制府於是輪船復至姚江士民促

君出見從數人乘北關船會之夷人遙見卽揮手曰非也無鬚遂轉舵去境賴以安事聞

特賜藍翎實授餘姚知縣

姚江哀輪船來北關晤輪船去來何忽忽去何遽竟認顏標賊原誤賊不誤以手呼制府老矣今無鬚哀憐道州古亦有戴頭太尉今則無吁嗟乎雙城昔駐如林戟索礮索衣索飲食神鐘一聲膽辟易

賊前犯餘姚初無號令昇天寧寺神

鐘實船上臨危退敵讓文臣檢覓鳳毛

天不惜

以上簡鈔  
吳山集中

病臥無繆殷勻生明府

連達

寄示天落水詩意有

所諷戲和一首

乙巳

杭人重天水舊俗汭南都接竹遞欄雷家家事益孟問  
富數瓶對取足經年儲豈無金井牀可惜玉轆轤殷侯  
好事人隨俗不墟拘嗜茶選茶佐雨花點雲腴謂此誠  
清流味之勝醍醐桑欽志未及陸羽歎不圖取攜又甚  
便無事勞僮奴寵之以詩歌緘封示吾徒侯意厚不薄  
吾見拙且愚古稱鑿而飲食力不自誣如何貪天功饜  
其饕餮需思天本無水下憫禾苗枯吸海敕羣龍辛苦

尾畢通九重有德澤萬彙咸昭蘇吾儕荷廣被此惠非  
區區亦有消渴人藉供銚與爐慙飲未傷廉多藏胡爲  
乎可憐家人子望霓竟奔趨甌甌謂之瓠廳髣髴康瓠  
天澤遂中飽不得歸江湖此風若不改後旱河海枯嗟  
我豈矯情履袜防霑濡向來愛蕉窗高眠擁氍毹宮商  
有餘聽樂獨與眾殊律以國氏道是亦盜之徒作詩表  
臣心一笑迂儒迂

題吳榕疆明府

世涵

宜園詩草

太鶴山人古遺猗

謂端木舍人

我昔因君識其面論詩直溯

康歌前袁趙紛紛皆不見於君獨有名山期太息後世

誰相知琵琶箏笛厭人耳大呂黃鐘疏滌之

舍人贈君詩有正聲

祗要皆牛鐸之句

吁嗟鶴化青山吼千里銘旌託朋友文字緣

成性命交風義於今世安有

舍人卒於君家護其柩至湖州葬焉

君詩端

自性情來感事傷時見吏才擬倡桑隄懲惰俗勸儲公

米備偏災

謂里中吟栽桑柴根婚嫁築隄勸學荒親金鉢鐵爐拳技命客十首及禱雨平糶公米闡

荒報災餓葺醫子流丐入首

事權到手看裁制一官一集皆經濟居

庸風雪首陽薇併入詩歌發奇麗西湖四月楊柳深一

編示我瓊瑤心雲天寥泔江海濶爲君慷慨悲人琴

劉伯裕學博

建中

自順德請養歸粵過杭占贈兼

柬昆吾

十年書札寄江湖一笑杭州認髭鬚  
君戀陔蘭拋苜蓿我貪棧豆負蓴鱸  
天倫有樂輕人爵世事驚心賦匪烏  
學稼樊遲煩致語如今農圃是良圖

贈楊子萱明府

炳

卽題其惜味軒稿

丈夫生不燕然銘功五鼎食傳道文書自珍惜  
安能齷齪風簷中飾面搔頭老不息楊侯經義早有名  
歸胡李竇追先程

君爲姚鏡塘先生高弟劉次白中丞選刻其經義二十篇皆能發明章句傳世之作也

捕鼠何當用騏驎鷄鵠自不歆韶談一行作吏魚逢網

萬里從戎誰受賞

嘗從軍西日外

參卿軍事且棲遲責我簿書

仍鞅掌武林三月花滿湖華堂招我傾金壺仰天高談  
視白日拔劍斫地胡爲乎朔負米俳賜帛君家子雲老  
執戟相如詞賦動人主入賞爲郎始通籍從古才人多  
坎軻李杜文章非甲科

國朝著作二百載丞哉黃子傷蹉跎

謂黃仲則

君不見時髦

高展青雲駕穩步天衢癡元化歸來家犬吠黃門縱饒  
政隙無詩暇春花秋月景常新豪竹哀絲宜旅人窮工



早證醉翁語詎敢僕僕嫌風塵我亦平生倦行路腕弱  
江山不能助偶誦君詩氣慨慷塞草滇雲眼前遇握手  
相看一笑休君知世事等浮漚一杯且佩六國印此卷  
還輕千戶侯

余題子萱詩集并以墨梅紈扇貽之子萱有詩致  
謝次其韻三首

我無負郭田二頃東望羅浮路幽迥年年紙上種梅花  
獨抱冬心時自警君於稠人特相顧不怪此君風骨冷  
眼前四海目憐心月下一枝形贈影深緘芳意約有待

春姿未許秋前逞臭味南枝北枝花鄉夢千重萬重嶺

鯨風一昔掀濤瀧驚颿駭機自擊撞君無官守武安用

連歲軍興君方自雲南奉諱歸里

我始奴僕神爲慢誰能金鑑照魑魅

過擬鄉達疑嘲哢

來詩及張曲江

從來攘外在安內豈有秘術

同緣撞東南民力盡未盡與君蒿目憂此邦看君爲政

逮桑麥猛虎斑斑浮渡江

君才豐玉荒年粟餘事高歌激庸碌羊欣早授外家筆

書法師君舅氏陳玉方部郎

誠齋不囿西江俗北遊燕秦逮滇楚晚

戀西湖就近局漢臣八社誰繼美有約雲山逞麗矚

明重

漢臣西湖八  
附帖紫陽詩社  
祝時秦主之  
湖心詩社劉  
子伯主之玉  
岑詩社方九  
敘主之飛來  
詩社紫雲詩  
社漢臣主之  
月巖詩社高  
應冕主之南  
屏詩社曲港  
荷風沈仕主  
之洞霄詩社  
土寅主之見  
杭州府志  
睡味佳南屏  
鯽隊履聲熟  
行樂何須計  
冬夏百歲堂  
堂一轉燭

譚玉生孝廉下第南歸過杭賦贈并柬熊笛江

杭州二月柳如烟  
開到湖頭學士蓮  
轉瞬君行一萬里  
關心此別十三年  
名山事業容誰共  
四海交遊覺汝賢  
不信燕臺輕駿骨  
羸蹄驚路竟爭先

話到前游易愴神  
山堂花竹不成春  
年時舊雨非今雨

地下陳人半故人

吳石華儀墨農梁子春家夢秋潘伯臨黃蒼崖陳任齋陳春山蔡鹿野吳

雁山趙平石謝堯山謝二泉黃石谿侯君謨居少

梅鄭棉州鄧約之林月亭諸君皆先後歸道山矣世事

早知冰是水鄉愁親見海揚塵老熊當道宜高臥同保  
松筠百歲身

子萱復次前韻答之三首

一枕華胥彈指頃起熱名香坐清迥懷人門外驚剝啄  
把卷花前歎精警風潭印月連底清碁局熨腹何乃冷  
詩心空濛入山翠是日濃陰壓簷影連朝鬱蒸雨一快  
萬馬不嫌蹄並逞呼童更瀹龍井芽天半風篁想高嶺

世途險惡如驚瀧終古船石相舂撞眠篙戲舵自不覺  
側目袖手魂爲懣塞上得馬福難料夢中訟鹿言空噓  
逢場作戲且爾耳隨身正有都盧撞君能信天固大好  
安見七十而非邦伐樹請薪慎勿語惟可飲酒邀王江  
我性羞營覆車粟慕鐵錚錚瓊碌碌無才甘作驥伏櫪  
有累非關士貢俗朱老同茲猿鶴姿

謂述之喜啖果故  
嘗引杜詩嘲之

與君合訂鷄黍局西湖新晴美風日南峰北峰迤遙矚  
風塵明日行還試夢境它時記應熟搏沙聚散豈非常

夜游莫厭勤秉燭

時余將請  
咨北上

朱介石同年

朝玠

謁選過杭口占贈之

舊遊如夢憶金臺老眼相逢喜一開  
蓬矢桑弧四方志讀書養氣十年來  
故鄉碧海多塵迹今日蒼生要治才  
行矣莫愁梅雨溽河陽花好待親栽

趙子昂畫馬爲毓晴帆刺史題

草上飛來一點烟舊游誰與說當年  
未施錦韉雖堪喜仍帶絲韁亦可憐  
俯仰可能隨牧圉悲鳴應怯秣幽燕  
長林豐草今無恙合讓驚駘自在眠

爲陳朗山

良玉

畫梅題

羅岡梅花四十里一白映天香覆水蒲澗梅花千百年  
歸來古鶴抱影眠當時老鐵載酒處屐齒漠漠苔花纏  
家山風月今誰記付與閉門陳正字別向孤山寫女枝  
不要時人誇娥媚陳君陳君五羊城寒月照人毛骨清  
作詩已壓林處士采藥盍訪安期生白雲寺烏涌橋花  
時詞侶憑招邀桺榔借汝舊吟杖桺子佩君新酒瓢憶  
我但須勤茗芋不使梅花怨孤影莫學滹南老廣文衰  
柳殘雅夢庾嶺昔余訓導嶺城斥鹵之地草木不生  
憶家山舊游如隔人世陳君頃挑二  
行亦司鐸直隸  
故未語及之

姚履堂明府書王智興卽席賦詩一事并署名共  
七十八字乙未分校浙闈時藍筆所書以贈謝  
厚庵二尹者也明府旣令定海庚子之役率先  
殉難余倡議於吳山祀公及韋端夫逢甲顏心  
齋履敬二大令李丹崖二尹向陽全少尉福爲  
五臣祠厚庵襄漢公書付道士藏之暇日屬題  
敬賦五十六字

纍纍七十八明珠鎖院揮毫校士餘謂昔麤官工翰墨  
感公文吏殉戎車舟山古有招魂賦魯國今傳奉使書



琴劍故人牢落在吳山瞻詠一踟躕

題李根生明府

盤

湖橋勝概圖

君家洋川上洋水明如清荷風十里吹月出照見讀書  
天半聲門前柳浪滑晚飯湖橋行人家屋背見山影黃  
金子午蛾眉橫歸來聽雨亦不惡兄弟怡怡如友生人  
生萬事那得知一朝作宦歌將離劍閣艱難紫駟馬琴  
臺磊落黃金卮當年湖上釣竿手映落錦水生漣漪愁  
來一夢文與可卅首盡和園池詩畫作滄洲著素壁臥  
游或有還山時君不見秋風張季鷹山居謝康樂西莊

給事鎖松筠北山高  
人怨猿鶴李杜才人例飄泊  
好詩半爲他鄉作  
懷林誓墓有成言  
投老何曾返邱壑  
南武老兵尤可憐  
部符催上珠江船  
十載風塵絆行迹  
與君握手吳山前  
吳山西湖豈不好  
各有鄉夢相縈牽  
誅茅誰辦薜蘿屋  
看人自種菖蒲田  
宋郎簡有菖蒲田在餘杭山中  
舊游時用佐談柄  
說餅豈解饒人涎  
還君洋川三歎息  
僕僕正著長安鞭  
時余方請咨北上

題陳朗山詩稿

游魚銜鉤脫重淵  
鐵騎迸出珍珠絃  
懸水飛空一百尺

玉盤四照花含烟陳君詩境妙有此尤不可及方英年

吾師宗匠慎許與

謂南

直筆謂可他時傳我同里聞早

心折老眼見賦青衿篇

君與兒子慮善同年充博士弟子

吳均偽體不

足效

君酬岑鐵泉詩有云云我後來秀足繼鐵翁躋閣之惠然余于君何能為役哉

王筠獨步

知無前珠江珠海花連天誰歎親見成桑田恆山迤邐

天下脊我無健語扛山川懷古傷時待高詠願君一奮

筆如椽

辛丑英夷之亂君在圍城宜詳有紀載頃挑二等行宦直隸余舊游也亦宜盛有名作以發山

川之奇故并及之

題張誠齋副將

廣信

春原閱馬圖

張侯愛馬有奇癖一骨千金渾不惜圖出凌煙裏鄂姿  
遠寄金臺漆妙筆沈生

振麟

鸞手侍

西清閒向

天閑訪駿行牽來三馬雲霞動驀過千山風雨輕長楊  
短草開芳甸侯也掀髯有餘眷驪趨赭嚼駁回頭誰是  
忽雷誰閃電支道林田子方愛養神駿看騰驤不能一  
心共勛業何似騎牛還故鄉允矣張侯

帝心膺馬上功名常自許虎林開鎮久徘徊鶴氅談兵  
日容與天狼弧矢歲崢嶸寶鉸金纏氣未平看取草頭

飛赤兔便從海上射長鯨

劉介江 廣湄 課孫圖

劉侯退食開衙齋天與高情娛老懷人生知己酒杯足

世上清福兒孫佳梧桐楊柳拂金井芝蘭玉樹生庭階

池中魚馬屬對就磨墨喚取雙鬟娃 宋王鑑事見山堂肆考

龔蓮舟松下讀書圖

築屋長松下看詩脫帽行寒濤起天半吹亂讀書聲古

有三層閣今開萬卷城便便五經腹鱗甲幾時生 以上節鈔

吳山下集

領咨北上七月初九日登舟口占

平時送客怱怱處今日怱怱作客來  
蒯劍蒼涼身外感布帆安穩日邊開  
六年自信脂膏地肆應吾慚經濟才  
強被羊公誇舞鶴預愁堂上羽韜韞

劉玉坡師書來屢問行期兼有處脂

不潤清畏人知之語

城外

三伏人間苦蘊隆庭花不動汗珠融  
誰知城外空江上便有堂堂萬里風

初十日早行石門道中

連村桑柘裏一夜桔槔聲野宿夢頻覺江程天未明鳩  
閒猶盼雨蛙鬧強知更漸有霞光起憑誰畫早行

見鷓鴣有感

鷓鴣鬪身輕飛集茗花上得意時一鳴隨風自搖颺不  
知南溟魚底用毛羽豐垂雲負青天而今待培風

十一日杉青閒曉泊見荷花

作意杉青閒荷花一頃稠曉禁風露潤晚占水雲秋夢  
裏西湖約

朱述之屢  
約未踐

吟邊北渚愁坐來清氣足差不負

茶甌

順風口號

十年宦海轉孤蓬  
昌國西來得順風  
不道鴛鴦湖水上

依然蛟蜃海聲中

庚子十二月自鎮海至鄞得遇東風頃刻行六十里入浙以來東西奔走

未嘗有如是游之壯者今飛來兩岸林陰碧  
漏出東窗日之快  
迺復不減曩時矣

日影紅若待金陀筵  
散後布帆須到館娃宮

是日家信軒太守餞

蔣蔚亭方伯於金陀園兼邀余往力辭乃得免

江行雜詩

珠江亦有烟波里  
簪笠蓑衣早見招  
慚愧征帆如走馬

斜風吹過鰕魚橋

橋在王江涇北二十里



惱殺吳江水不流南迴北折阻行舟看君畢竟須東去  
枉被人呼曲似鉤

百頃鞞紋鶯脰湖午烟吹淨簟平鋪秋風莫報東曹掾  
正有銀腮出網鱸

挂帆櫓李趁朝霞泊到胥門日未斜笑是冷人宜冷局  
金閫何許任繁華

十二日五人墓作

萬古有直道常在人心  
中偶自五人發貫日驚長虹豈  
無褒衣徒說孔談周公疏請祠  
遊閣不如賣蔗童緬惟

周與黃高名朱鳥東千秋託驥尾名姓何穹窿我聞義  
民號亦是亂所從安得有道時不議安瀾風

獨游虎邱寄熊節江馬止齋粵中

蟬影槐聲秋厯厯山門日午無游屐獨攜白羽掃蒼苔  
來坐生公講經石寺後鱗田萬頃平亭亭雙塔表江城  
天風忽掠檐端過中有吳閭晚市聲冶濱漸泊淩風舸  
想見晚涼花萬朶飛來明月照笙歌撒出繁星鬥鐙火  
去去篷窗跂腳眠舊游誰識杜樊川情懸珠海三千里  
夢醒山塘二十年

車水謠

五日不雨禾頭已焦十日不雨農心如燒半月兼旬不  
一雨踏碎水車忙婦孺百里復千里蕩蕩空無雲力盡  
牛可代歌勞天不聞歌辭不知道何語歌意分明畧可  
舉阿孃努力灌禾根完糧餘粟食汝勤牛兮努力灌禾  
粒納橐餘糶牛得食不解灌禾惟灌花食錢食米坐官  
衙君不見漕倉轉眼冬徵急半入莊書庫吏家

月夜舟行無錫道中作

孤月照空江清風自來去一點水西螢飄入河東樹

十三日游惠山

秋葉打船篷深深白楊岸龍山遠呈秀隱顯忽殊觀寺  
開門未開泉淨魚可喚雖無竹爐火一啜塵慮散傾耳  
來松風蕭然坐天半

幽幽寄暢園水木涵朝光樹老或唐宋流清卽滄浪園  
亭遍宇內幾得邀

天章殷勤桂華約倉卒游子袞誰能坐美蔭永日蟬聲  
涼

常州城外憶蘇卿

卿東門外人也

芙蓉湖影漾秋霞常說毗陵似若耶今日闔閭宮外過  
不攜桃葉看荷花

十四日常河阻舟卽日遣悶

聽松石畔午陰佳十頃森梢白日羶如雨蟬聲留不住

卻來渡口纜枯槐

惠山寺佛殿外銀杏參天唐宋物也李少溫篆書聽松二字石刻舊嵌樹

根中道光八年縣令移置東亭俗謂之仙人石

渡頭高柳曉風痕老去秋孃韻尙存誰見雨絲烟影裏

綠波春草送王孫

閒煞南風翦翦來詩心吹上妙高臺多情最是蘭陵水

不放吳船一箇開

火雲烘遍綠楊灣  
林立千樯斷往還  
牛背眼光無處寄  
人言西北有黃山

水車歌

驕陽且勿暄  
聽我歌水車  
十家車長五家短  
長短同聲歌水車  
近田未足遠苗怨  
兩車三車遞輪轉  
大河車水入田河  
叵耐天乾大河淺  
民命繫兩足鑄鐵爲肌膚  
烈日豈不畏水緩禾頭枯  
筐篚及婦孺合力無老小  
人言農月無閒人  
直到秋來忙不了  
頻年元象占旄頭  
歲星

敵之欣有秋今年荷澤遲頑蠹又驚河決傷糧艘去歲  
前年米價賤不見窮人有餘羨今年若旱可奈何丙丁  
况復聞龜鑑明年丙午矣農歌且休聽我歌我歌惟德感天  
和

聖人有道四海慶一雨黃禾成綠禾

呂城

十里蒙城路舟程易夕陽蟬聲兩岸碧帆影一邊涼望  
雨農歌苦迎風睡味長練湖今夜月來伴藕花香

陵口弔梁武帝

風流誰繼曹瞞後名士英雄共一家業可及身生自幸  
志圖作佛想原奢金甌席上嗟何及玉盃人間事有涯  
欲弔修陵無處所沿山開遍水蒨花

泊丹陽對月寄懷陸子範都中

丹陽渡口秋風生丹陽城頭暮煙橫練湖七十二泉水  
玉盤湧出玻璃聲來船齊向東門泊雲濛魚鱗天漠漠  
逢背毗陵露已乾船頭京口潮初落我向船頭臥月明  
思君遠隔鳳凰城楊梅街裏收銀燭攜手同誰聽玉笙  
轉瞬平分秋一色萬里月華同醉得莫被嫦娥笑別離



驅車早出長安陌

十六日發丹陽

城頭啞啞啼乳鴉秋風西來吹蓼花宿霧迷茫銷殘堞  
不見東方生早霞舟程破曉催柔艣東來正被西風阻  
我行遲速亦何心千里枯田望時雨雲外遙遙鐵甕城  
一條銀浪大江橫金焦只在空烟裏料理吟眸看晚晴

丹徒道中作

君不見秦皇初築驪山宮一時萬世傳無窮丹徒曲阿  
有王氣赭衣鑿土來江東一夫發難眞王興亭長原非

京峴人長阮紫氣洩不盡霸圖莽莽開風塵千年以來  
可屈指孫氏劉蕭草澤起至今踏水弄潮兒猶道吾鄉  
出天子大新豐小新豐皆地名衣錦當時歌大風我行過  
此空想像蓼花映水搖新紅却怪巖城標鐵甕北府雄  
兵天下重前年門戶守金陵礮子飛來紛一閨地勢何  
當有轉移感今懷古一嗟咨錦袍入寺覘師處老鶴開  
河夜遁時

欲雨

欲雨竟不雨朝陰連午陰雲疎時漏日風弱半依林到

處鳴龍骨田歌傷客心五行誰補志七月水如金  
千里蒼生命同瞻一片雲阻風初稍稍霑日漸紛紛便  
作傾盆好還留到枕聞杭州今夜夢涼意倘平分

自丹陽來兩岸坡陀皆無墾植感而作歌

九州茫茫幾青山不論窮海島嶼間丈夫志業狹宇宙  
不辦把茅真可憐丹徒兩岸坡陀地養草肥於鷓鴣翅  
若開疊摺作梯田蘗蘗黍梁皆可藝百寶原從富媼生  
鉏頭勤惰決虧盈君看棚民及竈戶鹵地石田皆可耕  
我生讀書慕閒雅一寸窗塵凝野馬七斤袍重卻能擔

半月鏹輕無力把宦成原不合時宜使婦無禪兒忍饑  
更鞭羸馬求聞達每見閒田輒自嗤

十七日京口阻風望北固山作

大江萬里東來急鼓盪濤風常不息六月城中汗似漿  
一寸涼颼無處覓茫茫宇宙六合寬無人之處皆清寒  
教民棟宇竟多事成邑成都無曠觀我行厭處喧囂地  
五兩未逢舟慙寄矯首江天豈不佳雨打篷窗仍閉置  
鐵甕城頭北固山雲聲海色晝漫漫雛僧櫻筍思前度  
老我琴書宜此間

丙戌四月常與  
李曉原來游

此間着我游山屐透

雨從渠田一尺三暮三朝放客行一餅一鉢吾何惜

風雨不得渡江往游北固至山麓矣忽轉東風波

平日出歸舟開帆頃刻北渡

西來萬里水朝宗銀蒜金焦據要衝如此江山留亦得  
百年風日過難逢長歌小海迴波權多謝高臺喚客鐘  
遙指竹西歌吹裏二分明月待吟筇

渡江四顧憶舊感時拉雜成詠

昔年憶與李博士

曉原

下第買棹來焦山時惟四月海

潮怒南風吹雪霾昭關紅帆斜掠白浪過一霎覲面逢

烟鬢晉銘周鼎恣探討竹粉如雨黏衣斑回船甘露着  
倒景游蹟正在明霞間金山微步又含睇瓊琚玉佩來  
姍姍僧房借枕一高臥樂此更不思東還老松化石田  
成海二十年來人事改霹靂飛來鐵甕崩羽林競葉明  
光鑑至今未盡復瘡痍恨此何從訴眞宰乖龍更奪佛  
狸宮嚙破瓜州城幾重金陵天險尙難恃淮陽門戶它  
時空舟人指點善才石前歲腥臊污淨域彌勒金軀捐  
大鑪坡公玉帶歸蕃舶我行七過此江心中冷未試慚  
素襟歸帆不遠約重九憑欄爲發廣武吟焦君倘識故

人面知我閒愁如海深

揚州遇李雲坡刺史

承恩

鈔關門外船如齊大纛高旗照淮水我駕蒲鞵片艇來  
一瞥相逢君失喜迴篙嫌緩隔窗廛離船五尺我先登  
秋風歷歷垂楊岸吹斷懽聲到哭聲千里松楸悲在疚  
君奉諱歸里半載苻離風兩袖問我殷勤到粥饘奇窮不死  
皇天祐談麈纏綿茗椀深艱難戎馬憶題襟船頭呼出  
揚州月照見年時耿耿心

十八日發揚州

贈言猶在邈山海知己平生不在多正有羊曇千斛淚

西州門外怕經過

謂卞光河方伯師

壁虎橋

垂柳垂楊一萬條西風吹著便蕭蕭舟行只在蟬聲裏  
睡過灣頭壁虎橋

車羅壩

見說車羅壩方秋減漲開珍珠一萬斛飛下九天來烈  
日寒飄雪白雲晴卷雷下田知幾許饑渴待滋培

日落



日落月未上風涼秋已生雨寒雲氣變天入水光明遠  
樹如山看長隄積葦成微茫燈火出極望是孟城

十九日甓社湖作

淼淼秋湖水西來望眼寬極天微有樹浸日欲生寒聞  
有明珠在常同滿月看何須買山隱借與釣魚竿

甓社漁歌

豈不能披羊裘釣大澤中裘衣繡裳謝諸公豈不願綠  
蓑衣住烟波里扁舟飄然載西子名心未死功未成短  
策長帆歌北征甓社湖頭一長歎慚愧漁翁問姓名君

不見湖上翁湖上宿湖葦編牆草苫屋湖蟹湖魚歲常  
熟何須問舍與求田一箇釣船家具足湖風常清湖月  
明鷗鳥飛來尋舊盟片帆直溯天際去長歌小海孤雲  
生人生何如風過簫有酒宜飲歡今宵確礮老叟不知  
足與人家國形神彫歸來乎吳中從事胡不歸眼前酒  
滿鱸魚肥身後功名不足道世上風波多是非

湖隄

百年官柳碧雲屯放開修隄歲例存贏得輕帆來畫裏  
無人知道是

君恩

二十日發寶應

啼斷城鴉月未收  
陂湖新水接天流  
涼烟白過陳琳墓  
一點青螺認射州

長隄如帶曉沈沈  
吹到西風柳色深  
鵲意噪晴鳩欲雨  
商量淮上作秋陰

戲贈放鵬翁

鵬羣千百翠毛衣  
湯沐淮流百頃肥  
行部自操蓮葉艇  
合圍長近蓼花磯  
朝烟乙乙呼名調  
斜日堂堂列隊歸

醉扣瓦盆歌一曲不知人世有金緋

淮陰釣臺

人生碌碌何爲乎世人慕勢輕文儒讀書祇可記名姓  
仕宦當作執金吾君不見淮陰少年帶刀劍寄食常爲  
人所賤一朝得志封眞王故舊滕行辭不見百家守冢  
遂初心千金報德酬前願繁華已歇亦堪哀過客猶知  
訪釣臺故臯有宅無人問寂寞荒烟空草萊

二十一日渡黃河

河出崑崙勢邈緜懷沙卷土到瀛壖待驅厚地填滄海

疑接明河落九天神禹疏來誰復繼元封塞後至今傳

長隄高竝長城影不及年年少府錢

東河歲修正料銀八十餘萬兩旁料

銀八十餘萬兩南河歲修正料銀三百餘萬兩旁料銀一百餘萬兩合計兩河歲需銀六百餘萬兩國朝二百年來歲修之銀高以里計其屢次決口所發帑金尚不在此數之內

### 二十二日出車

短後綬胡非請纓又驅薄笨賦長征風塵有味從頭試  
歲月無情轉眼驚十載重來如故國五雲多處是

神京從今不識朝眠趣日日天涯看曉晴

### 驅車

驅車黃河北言上東大隄洪湖月未落清浦聞朝雞  
濃靑上柳色萬戶炊烟齊是時秋之初河潤氣早淒種豆  
旣以落麻黍皆盈畦懽忻及婦子帶露紛取攜驚風吹  
雜樹掩映河流低茫茫顧四野客子心悽迷

夜行河堤上

河流開夜鏡倒影上金隄照我征車過雷聲直向西  
孤行吾敢厭七聖古猶迷誰和洪流詠沿坡絡緯啼

宿遷遇顏嵩齡觀察同年述事漫記

蕪湖七月十二日二更雨雹如李梅李侯告我有餘駭

孤篷幾被顛風摧

揚州遇李雲坡刺史爲余言

顏君搶險宿遷泊此

際風濤吼蛟鱗僅餘一命出水中萬檣紛紛如掃籜燕  
宿相懸千里強中間吳越一星黃我行錫山臥明月四  
顧無雲秋色涼徐州苦雨蘇州旱晴雨分明隔河漢作  
書試與問餘杭屋角牽牛可同看

二十四日馬陵山作

在宿遷縣城北

龍門東下盡坡陀馳驟中原奈汝河差喜馬陵山咫尺  
能撐髻鬢拒黃河

涓涓流響出山椒添得黃河幾寸潮千七百渠皆小水

不知曾數馬陵橋

阜河早尖作

漕運喧闐擁萬艘漕隄車路接雲高隄西可笑黃河水  
也共行人日夜勞

縱轡

沙上過微雨河隄如掌平輕車不縱轡豪氣慚幽并一  
鞭揚天聲十里無塵驚但見西北風獵獵吹行旌旖旎  
千垂楊夾道供送迎側聞韓莊水淤墊猶未平安得築  
此隄直北通



神京

長隄

百里秋陰畫不真長隄風景媚行人桃花已過千年實  
柳瘦都懸白石園下相城高餘霸氣黃河水濁半征塵  
宋家灣北金牛畔夕照開時野色新

灣下大溜直趨北岸有鐵牛鎮之

舊邳州題店壁

僕僕輪蹄走四方無田無舍亦堪傷早知壁立真名士  
枉被元龍占大牀

葛嶧山

維揚北上七百里平原莽莽平如砥眼明始見葛嶧山  
兩片濃青照沂水後青張蓋前爲旗餘青繚繞紛蛾眉  
居人少見囊駝背謂此輒有神靈司大小山皆丈夫置  
身貴得地邑小無豪立名易君不見嶧陽咫尺非穹窿  
名書禹貢傳孤桐

### 小唐山

飲馬龍樹集言瞻小唐山濃榆落晴景鬱柳屯秋顏林  
際透斜照正見烟中叢一鞭赴宿約十里蟬聲閒

### 掖刀

銀刀一變掖刀生剽掠椎埋性命輕剗卻銅山歪頂好

桓桓此輩盡干城

歪頂山在楚國山西

### 二十六日發小唐山

宿霧白成海茫茫浮遠林穿林尋細路一半曉山陰蓼有驚秋色蟬無送暑心我行隨緩急適意當登臨

### 楚國山

未至大泉二十里山南屬江南銅山山北屬山東滕縣

銀線河南田漠漠河北羣山作城郭過河便是滕陽關  
回頭卻看江南山風鬟霧鬢粲羅列出沒朝靄空濛閒  
北山沈沈據而有虎豹當關一夫守眼前一口吸江西

今來道上高粱皆  
已收割淨盡矣

### 車行看雨作

雪山初吐雲雲起何油油四山一來助學水天邊流含  
青氣漸重綠白光仍浮須臾立鰲柱颯沓生風漚南晴  
忽縮足東注初垂頭回首看夕照餘霞散西疇坐閱造  
化功大哉誰與儔我車時北指前途方阻修留此天一  
角幸勿需行輒

以上節鈔  
乙北上集

### 二十八日發南沙河

微雨纔數點輕烟生曉凉水新翻急調山靚逞濃妝殘

夢宵來短前途日漸長今日當宿中山一百二十里計程鄒魯近喜  
入聖人鄉

滕縣城外看山作

沙河北來十五里樹裏山城青迤邐人烟未起無處尋  
孤塔亭亭表雲裏是時晨光乍熹微東南羣山如合圍  
昂頭乙乙巖上箔齊足鹿鹿車驂駢峯高正礙日輪上  
一抹但見紅霞飛碧浪參差波向背忽點白雲青破碎  
天風作勢欲吹來袞袞卻愁平野礙平野茫茫西北寬  
烟簾中沒有無閒撐天雨髻忽突兀知是秦時鄒繹山

連日山行苦登頓看山稍慰平生願  
預愁燕趙盡平原不放吟眸高一寸

滕文公廟

滕國先君誰長雄至今有廟祠文公  
豐碑落落揭大字老柏沈沈含古風  
圖王未成霸已遠史公有言附驥顯  
奈何世主輕儒生好臣所教師資鮮  
君不見原嘗翩翩又一時揮金下士  
天下知蘭陵書客窮愁死卻寵雞鳴  
尊鐵椎

繹山

慄慄風霜厲巖巖氣象分夜來滕縣雨知是繹山雲魯  
頌荒曾紀秦碑陋漫云降神生亞聖天意在斯文

孟廟

不讀戰國策豈知尊七篇人心甚洪水旭日忽中天合  
傳龍門誤傳經趙氏先門墻容仰止松柏鬱蒼然

兗州城外追憶蘇賓禹吏部余丙戌計偕北上曾  
與同行過此也

廿年人事死生分曾向中山話宿醺未必九原能憶此  
偶來萬里忽思君鯉魚書遠無從問

曩寄信屬  
不知達否蟋蟀聲

酸不忍聞寒月曉星攜手路眼中樓櫓尙連雲

### 泗水橋

我行入魯國重是聖人居逢人盡恭敬不分賢與愚泗水餘教澤大橋跨空虛源流逮濂洛桑氏不曾書

### 汶上縣懷劉玉坡制府師

汶陽尙書老釣師投劄釣竿來救時鯨波已息氣未靜綠蓑青笠歸無期前年送公制閩越嚴陵臺下傾金卮酒酣爲我說往事未說先有饜涎垂蜀山湖水青玻璃蜀山窈窕多風姿一痕倒影落明鏡與月共鬪新蛾睂



大魚忽躍藻荇破月影山影皆漣漪此時餌香酒初熟  
一釣半尺甘如飴有時自棹櫪頭艇大網織就千青絲  
橫拋不見浪花起圓撒詎有游鱗知得魚沽酒會妻子  
曲肱一夢釣天嬉壓頭冠高每白畏懸肘印重今非宜  
心縈野趣念空切骨沁

君恩身敢私嗟我珠江侶漁釣亦和天隨漁具詩不歸  
豈有家國慮小隱尚乏山林資風塵雞肋竟何味又渡  
汶水來京師蜀山何處望不極但見遠樹青離離回頭  
榕嶠天萬里因風敬寫長相思

三十日發汶上

破夢聞呼水驅車又下門

聞要拌水則起束喪呼下三門則上車日常以此爲節

星侵曉大七月此宵存擊柝穿城靜臨流待渡喧北人常早起露下見雞豚

居人言汶上去泰安一百八十里天晴日上可見

泰山是日微陰東望久之遠山之外似有疑雲疑霧者未敢信以爲是也作望岱詩

四千丈外影迷離

博聞錄云泰山名蓬元高四千丈

十八盤多想像時

青遠定將天共色積高甯藉地爲基煩勞望岱同平子

正直瞻衡媿退之差喜龍鍾猶未甚故勞輕靄蔽朝曦

呂黎題嶽寺詩自負正直感通而東坡嘲之謂天意哀龍鍾故爲下一轉語

### 泥沙行

南行常苦泥北行常苦沙泥膠車輪沙則否眯眼耳鼻  
露齒牙轅馬低頭服馬蹇一步塵沙蹄一卷車前竟日  
雨濛濛車外山川都不辨北沙含笑語南翁塵沙不到  
閨房中高堂大厦君不住自要馳驅來此中君不見道  
旁日日車如雷塵是南人帶得來又不見車前一步卽  
閒地柳淨波涼曲肱睡

舊東阿道中作歌

東平州北沙河寬河清沙硬波漫漫過河便入山溝路  
十步艱難九迴顧乍似牽來上水船搖兀經時纔得渡  
黃華園北阿井南樹繞雲霾山復山山圍路上路詰屈  
路入山腹山連環泥路沮洳石鬼歸縱可齊驅不方軌  
赫然守險一夫當倏爾相逢兩車悔愛山入骨我性成  
此山奇醜卻堪驚雙乳森森插天半石墻嶄嶄當空橫  
人言此是泰山麓來自長城分峻玉山靈搏土良復勞  
萬里南來作一局餘砂剩石隨手拋藩屏以來任礪礮

不能爲世作雲雨空與客路增盤坳南天門北天門秦  
觀越觀浮朝暎太平頂上一長歎驚起白雲如海翻此  
游有志終須遂相跨馬重陽內躡葛攀藤最上頭十  
倍崎嶇吾不悔

八月初一日發舊縣

離家換萸萸驅馬發山阿道複雷聲壯林稀露氣多驚  
塵棲石壁晴影到銀河猶可中宵舞聞雞一浩歌  
馬鳴忽驚喜知已出山溝萬里晨光動茫茫野色浮孤  
城猶隱樹宿霧半遮樓浩蕩前途潤馳驅得自由

渡延河

曉日人爭渡延河舊有橋輕烟餘一抹飛上斷虹腰黃

石祠堂在魚山梵唄遙君王文采盡覽古發長謠

陳思王墓

在縣西北  
一十三里

銅城瞽史歌

東阿歌妓脂粉鮮道字不正嬌可憐銅城瞽史無顏色  
獨仗歌喉作衣食琵琶如雨三絃濤雌呂不如雄律豪  
倚門攏撚未終曲白雲不動青天高爲君歌君引卮情  
多情少看兩眉與郎遇合乃天意燈花喜鵲皆先知上

兩眉梢燈花報喜鵲  
叫皆多情曲中語

爲君歌君舉杯套車送郎郎獨歸

妾身不去妾心去化作蝴蝶隨郎飛

套上車曲中語也

留君戀

君君勿惱出門何如在家好君不見槐陰如水空階平  
蟬聲嘶嚶秋風清北窗跂腳一夢覺茶熟香生絃管鳴  
又不見火繖高張日亭午車前馬後塵如雨早尖打罷  
晚程催看君又入塵中去

東阿雜詩

不害三歸築上卿女閭三百又何名可憐賺得紅裙死

口抱琵琶穿

去聲店行

肯信吾翁卽若翁多情到底是英雄故人誼重臨危見  
又把頭顱贈馬童

巍巍聖德大如天成命收回似轉圜誰是東阿誰卽墨

小臣來本自田閒

謂陳頌南

心諾冥冥祇自知延陵寶劍挂松枝後來惟有朱公叔  
生死交情更不欺

### 雨師

細篩紅粉點瓊砂糝上纖梢作晚霞一穗折來雲氣在  
無人知是雨師花



初二日發荏平

客子殘宵發呼門過縣城人家都夢裏擁被聽車聲樹  
裏揚鞭出泥中認轍行東南氛翳少又喜得朝晴  
長天千里遠曠野一燈親儻蕩行吾素馳驅信此身歸  
來三徑宅秋興二毛人似有珠江夢搖搖記不真

雜詠

常何應是不尋常敢用游人直諫章今日當言知幾許

無人肯信馬賓王

馬周荏平人

諫君吾愛東方朔養母誰如北郭騷知己王公一夔足

感恩平仲亦人豪

穿

去聲

店琵琶手自攜櫻桃芍藥調淒迷不歌鄭衛歌周

召欲起綿駒再變齊

鳴石山

維晉有田宣隱居鳴石山山靜石自響鐘磬非人間乍  
見明月夜綈衣時往還疑是古之仙游戲來塵寰拊石  
以候之倏忽果來集自言周宣時學道居少室王姓名  
中倫丹成服金液執袂求道要諦視骨尚清授以白石  
子乃是日月精含之不饑渴久久當長生此語非無稽

問之段柯古

見酉陽雜俎

我行過高堂問山了無覩山風吹

野微涼生雲際如聞笑語聲名山不遠在咫尺碌碌何  
事方長征覩亦不暇游游亦不必遇巖前雲月儘留君  
馬後車塵勸君去

魯連村在荏平

一箭下燕城一言還卻秦成功不受賞從古更何人夫  
子如明月無心照海濱卻憐留鄴輩

謂留侯  
鄴侯

受爵便稱

臣

擬出鄭家口西行訪籍殺庵於藁城聞兒村水阻

不果

袞袞滹沱入夢來故人消息碧雲隈月中楊柳同誰詠  
酒畔芙蓉待我開繞道祇須三百里相思何止一千回  
兒村便是銀河水隔著紅牆儘費猜

秋陰曲

不雨不成秋旣雨行恐泥斟酌晴雨閒秋陰見天意昨  
夜長雲如墨濃涼蟬聲裏秋溶溶卻愁縱有風千里政  
恐難移山萬重朝來海日窺覷遍鱗甲遮藏難露面將  
車喚起六龍來爪破殷紅纔一綫貝州城頭乾鵲鳴太

平驛口柳風清垂雲欲下條自上散作輕烟媚午晴晴  
雨茫茫誰料得平野褰帷看秋色夕陽依約閃西疇忽  
放蘆花數星白

劉智廟

公明天下士心折劉潁川謂嘗與之語昏夜不眠眠夫  
子誠盛德清芬振當時民到于今稱何以能得之我來  
問明禪曰廟實無有地以其人傳卽此名不朽魯連臺  
陸賈城李白酒樓長不傾何須更改陽城驛翻令賢人  
埋姓名

初四日發劉智廟

空說披星出無星祇有雲近人天似夢望火路纔分廓  
落誠傷獨馳驅敢厭勤廣川欣在眼孤塔破朝昕

灌瓜鋪

未成疎雨洗浮埃萬里天容蕩蕩開賴有涼風吹暑去

不妨晴日破雲來灌瓜鋪口秋痕淡

鋪在阜城縣北十里過此卽交河縣

界案新序灌瓜乃梁楚界上事此蓋取其名耳撲棗鄰西晚景催一事心頭忽

振觸東南今日要邊才

太瘦生行

我生窮阨乃自取食能不肥藥不苦磨成鐵骨看擔當  
稍稍馳驅何足數旁人問我太瘦生聞之自負頗不平  
筋疲肉痛初隱忍把鏡虛堂纔自驚頃發齊郊宿燕郭  
下車困臥呼難覺覺來但坐不欲行從今未敢矜腰腳  
白憐卻憶少壯時捷如俊鶻初登枝陰平夜雪凍三尺  
扛軸掀輪猶戲嬉十年之前捧檄起漢陽保陽路邇迤  
獨輪車窄不能乘徒步從容二千里自從作令來澗中  
肩輿閉置成癡聾祇今年纔五十四行步紆徐如老翁  
君不見黃梅墜腰石土行日運甓荀卿垂老尙擔簦劉

實還家常杖策主張富貴要神明消磨患難須筋力噫  
吁嘻人生少壯老至衰一衰之外事可知我今未老已  
先瘦時縱可爲還自疑四方政有驅車願千里空吟伏  
櫪詩

### 碌碌行

碌碌復碌碌三十輻共一轂以其八蹄代兩足朝亦碌  
碌暮亦碌碌一解碌碌伊何行路大難饑耶渴耶塵漫  
漫厥餅鳴牙飯溼而粥乾吁嗟乎我與僕夫均此餐二解  
有葦者席其塵洋洋有稊者稽壁蝨所藏竟夜不得



瞑起而徬徨吁嗟乎我與僕夫均此牀

三解

君不見馬

前後車四帷如林之僕纓綏綏行廚絡繹來如飛人生

富貴須何爲自取窮途當怨誰

四解

夢熊笛江廣文同年醒而作歌

十三年來數

上聲

風雨夢裏相逢知幾許富莊驛畔作新

秋萬里追尋吾與汝譚侯

玉生孝廉

讀書秋樹根我約抱琴

同訪君君知我到乃先過一笑驚破珠江雲苦道年時

人事改桑田眼看成滄海金馬門高避世難荔枝浪遠

成言在

曩約買田荔枝浪中

問余六載苦從戎路鬼椰榆劉伯龍

頭銜雖換祇畫餅功業未成今老翁別後羅浮曾到否  
每念蘿岡一回首明月梅花儼億余鑿井耕田亦何有  
話久宣爐漸換香秋風吹雨正浪浪捶琴一和對牀句  
人間無此真宮商櫪馬長嘶驚繾綣門外三更初放點  
忽悟蕉窗聽雨時正是茅簷析聲轉作詩寄君長歎吁  
人事悠悠萍梗如相思一夢尙難得況說名山同卜居

初五日發富莊驛

占晴先問屋東頭雲淡星疎破旅愁大野平看天影直  
中田靜覺露香稠懷人風雨成詩易去國年華似水流

珠海年時詩酒地宵來知否一般秋

河間雜詠

蕎麥花邊見蓼花分明白雪映紅霞城中七月無花看  
那識秋原物色奢

兩字嘉名尙得傳河流故道已茫然只餘一勺城濠水  
又被窮黎占作田

種秫高田穗已成祇留四葉護尖生畫家便是倪迂法  
一帶平林夕照橫

齊郊稼穡已登場燕趙離離尙待霜留與行人看秋色

秣紅豆紫栗頭黃

憶包孝肅公軼事偶作

舊聞包老面一笑比河清忽豁瀛洲負公錢十萬贏

宋史

本傳知瀛州諸州以公錢貿易積歲所負十餘萬悉奏除之

溫原從肅出義以輔仁

行太息熙寧際三司市易成

初六日發河間府二十里鋪憶壁間詩不置

壞牆親拂隔年塵意外相逢眼爲新老子平生無此句

江湖沿路訪斯人

袁簡齋句

迷離入夢猶詩境歷碌驅車又

旅塵日日風沙星露裏與君一樣歎勞薪

香城

任邱北  
十里

魚君陂水綠茫茫  
枕隴風來曉露香  
行過香城看初日  
阿陵城影接天長

書所見

子婦同車挽獨輪  
野田拾穗自欣欣  
樹陰睡著蒼髯客  
恐是萊蕪范史雲

趙北口

南來袞袞厭風塵  
看到烟波眼界新  
瓦濟河寬船步靜  
易京城古戰場湮涼無

御柳垂朱檻

相傳南巡時水獺於此

仁廟

秋有官荷伴紫鱗避世

肯容來卜築便同漁父理絲繆

### 十二連橋作

馬蹄蹀躞驚埃捲拂面西風旗脚轉吹過燕南十二橋  
高柳斜陽紅荏苒柳岸橫波漾落霞茫茫殘葦界平沙  
五湖別有魚蝦國八月猶開菡萏花我頃來從山水窟  
風景依稀爲君說西湖減半占春風揚州一倍看明月  
西湖六橋楊州廿四橋也人言北地足風塵百頃淪漣亦可人清水  
西來從保定大桅東下達天津當時常笑公孫泣鼓角

梯衝紛告急若教避世侶漁翁縱有庾冰無處覓往事  
悠悠孰短長烟波渺渺閱興亡瓦橋關北林陰合酒美  
魚肥尋醉鄉

十二橋再作一首

見蔣半坡題壁詩云平橋飛跨水當中十二欄  
杆一色紅行到柳陰齊駐馬四邊消受藕花風  
聲情景色皆臻自然迨天籟也愛不去心聊復  
擬之不啻上下牀矣

廿四欄杆十二橋芙蓉楊柳路迢迢斜陽照見游魚返

知是天津上晚潮

樂事

收成樂事讓茅檐  
秫豆絲麻黍粟兼  
車上捆回秋色飽  
場中吹過午香甜  
翻餘藁地人牛暇  
賽到豚蹄婦子霑  
肯信路旁車馬客  
欲將手版換腰鐮

行裘

早御重絺午葛衣  
客途寒煖費支持  
行裘止有行人覺  
閨閣遙猜那得知

黃村早尖作



黃村飯罷倚車眠  
起坐車轅看午妍  
樹杪雲橫排卦畫  
松間風入學琴絃  
紅爭殘暑秋來日  
黃訴行人潦後田  
卅里南西門外路  
蟬聲如雨和吟鞭

入都

鬱葱佳氣繞金臺  
三十年間六度來

嘉慶甲戌丁丑道光乙酉乙未丙申

及今乙巳凡六度

山色照天雲樹在  
夢痕如水鬢華催  
君廚俊

及知交感舟楫鹽梅  
經濟才會見黃河  
瞻泰岱明朝青  
眼爲誰開

名玷山公啟事中  
此軍誰忍更言功

劉玉坡制府師明保云司理軍需甚

屬認眞雖積勞成疾猶復晝夜不輟梁楚  
香中丞保陞云總理一切軍需諸事搏節  
肝奉臣軀恨不心

國計眞愁杼柚空宣室鬼神非實政議曹教誠豈愚忠  
遂謂龔

聖朝倘欲知民隱不學寒蟬噤北風

終古西山爽氣多勞勞人海幾人過秋霞不散瓊華島  
夜雨平添

太液波水學琴心猶我待檜連雲頂問誰摩使君應有

重游興蠟屐相從意若何謂陸子範太守

年年聽鼓曳長裾  
翻羨征人得自如  
三十日中山水癖

四千里外醉吟餘

三十日中得詩一百六十五首

西湖南海分歸夢

時寄

家兩處

北樹東雲盼遠書  
一事平安先報慰  
風波雨雪不

關渠

以上節鈔  
乙北下集

懷古田舍詩節鈔卷之三終